

ILAY MAHATSIKAIKY

Ndao isika hijanona hitsangana fotoana fohy. Tompo Sarobidy, manatona ny Fanatrehanao Masina indray izahay amin'ny alàlan'ny vavaka; voalohany, mba hanome ny saotra ny amin'izay rehetra Nataonao taminay, sy ny amin'ny fitiavana lehibe tao am-ponay ho Anao sy ny Teninao. Tompo, ireto olona ireto, izao hariva izao, izay tiako amin'ny foko rehetra, izy ireo dia nahafoy tena ka tonga mba hipetraka ato amin'ny efitra mafana iray, sy inona koa, satria tia ny Teninao izy ireo.

2 Ary tonga izahay mba hivavaka ho an'ny marary, izao hariva izao, Tompo, sy ny mila zavatra. Enga anie tsy hisy olona iray malemy eo afovoanay amin'ny faran'ny fotoana. Valio soa izy ireo noho ny fahatokiany, Tompo. Mitenena aminay amin'ny alàlan'ny Teninao, ary atanjaho izahay, Tompo, raha mandeha izahay, mitondra an'ilay latsa. Tombontsoa toy ny inona ny manao an'izany! Mangataka amin'ny Anaran'i Jesosy izahay. Amena. Afaka mipetraka ianareo.

3 Tsy nety nahita teny aho, mazava ho azy, mba hanehoana ny fankasiträhako ho an'ny vondron'olona iray tahaka an'izao, izay tonga ka mipetraka ao amin'ity tranobe ity. Tiako ny hilaza, fa, rahampitso... Na, handeha ho any Topeka izahay, Kansas, ho an'ny favoriana manaraka, ary izany dia hifarana ny Alahady manaraka. Ary avy eo izahay dia handeha, avy any, ho any Philadelphia.

Ary, ankehitriny, izahay dia natao handeha ho any ampitan-drano masina, ho any Kenya, sy Tanganyika, ary Uganda, ao amin'ireo—ireo foko any. Ary manana fikomiana kely izy ireo ankehitriny miaraka amin'ny Mau Maus. Tsy afaka miditra amin'ny maha-misionera iray aho, saingy hiezaka aho ny hiditra amin'ny maha-mpihaza iray. Handeha, ary izy ireo dia eo am-pikarakarana.

4 Mazàna, dia miditra aho amin'ny maha-misionera iray sady mandeha mihaza, amin'io fotoana io dia handeha aho toy ny hihaza, ary ho misionera iray. Noho izany, misy—misy, ny fomba rehetra hidirana any amin'izy ireo. Ary Rahalahy Mattsson-Boze dia eo amin'ilay asa, miezaka ny hampiditra ahy, manao ny diam-pihazana mba hidirako handeha hihaza. Eny, amin'izay fotoana izay, dia miditra ao amin'io diam-pihazana io aho, avy eo izy dia hiteny hoe, "Ny Rahalahintsika Branham dia eto amin'ny firenena." Mandeha mankany amin'ny ambasadady, "Mety tsara ve raha hanao favoriana kely iray eto izahay?" Hitanareo? Izany no hanombohana an'ilay izy amin'izay fotoana izay, ary hihazona azy hihodina fotsiny. Noho izany dia tsy fantatray na hisy ilay izy, raha afaka hanao an'izany izahay, na tsia.

Manandrana izahay. Ary efa nangataka tamin'ny Tompo aho, raha misy zavatra mitranga ka tsy vitany, amin'izay fotoana izay dia izany no ho famantarana iray ho ahy fa tsy mantsy miverina eto Jeffersonville aho ary hitory an'ireo *Trompetra Fito*, any amin'ny Jolay na Aogositra, any ho any eo amin'izany.

⁵ Ary amin'izay fotoana izay, raha manao isika, ho hitantsika androany, dia hiezaka isika ny hahazo an'io trano sekoly eto io izay misy rivotra mampangatsiaka, satria ho tena tsara sy mangatsiatsiaka izany. Mametraka diman-hatramin'ny valonjato sy arivo olona. Ary misy rivotra mampangatsiaka izany, toerana iray mbola vaovao, eo amin'ny dimy metatra toradrao ambonin'ity fotsiny. Ary nangataka an'izany izahay indray andro, ary tsy namela anay hahazo azy izy ireo. Ary ilay lehilahy izay tsy namela anay hahazo azy dia nesorina tamin'ilay komity. Koa ankehitriny, ilay lehilahy izay ao ankehitriny no milaza fa afaka mahazo azy amin'ny fotoana rehetra izay ilanay azy izahay. Noho izany isika dia—isika dia tena faly hahazo an'izany. Ary noho izany dia afaka mahazo an'izany isika ankehitriny, ary indray andro any amin'ny Jolay, ary banana... Firy no hivavaka, raha sitrakay ny Tompo ankehitriny, raha misy zavatra manda anay? [Hoy ny fiangonana hoe, "Amena."—Mpand.]

⁶ Fantatrareo, tiako i Arizona. Tanàna iray mahafinaritra izy. Naniry mafy foana aho ny ho any.

Raha mba hanakisaka kely an'ity ianao, Rahalahy Ben, raha sitrakao, raha ity no... Oh, itsy... Eny, tompoko. Eny. Na, na iza na iza manao an'ity, hamindra an'ity kely fotsiny ihany, satria izaho dia miverina avy eto amin'ity tena... [Misy olona milaza hoe, "Horonam-peo, rahalahy."—Mpand.] Ahoana hoe? ["Ho an'ny horonam-peo fotsiny io."] Oh, ho an'ny horonam-peo fotsiny. Oh, indro misy anankiray hafa koa eto ambony eto. Miala tsiny aho. Eka, Rahalahy Ben. Noho izany aho...

⁷ Ny miverina avy any Arizona, ka tonga eto, izany dia manao ahy ho farim-peo kely fotsiny mihitsy, noho ilay fiovan'ny toetr'andro. Eto isika dia manana fito amby valopolo ka hatramin'ny sivifolo, ary indraindray dia zato isan-jato, ny hamandoana. Ary any dia tonga hatrany amin'ny aotra, ary avy eo matetika, ara-keviny, dia iray ampaha-roapolon'ny iray isanjato ny hamandoana. Miaina ao anatin'ny tranolay misy rivotra fotsiny ianareo. Ary avy eo mivoaka avy ao ambanin'izany, manketo, dia fantatrareo hoe fahasamihafana lehibe toy ny inona no ataon'izany ao aminareo. Koa izany no manelingelina anareo ao amin'ilay feo, sy ny sisa.

Avereno amin'izay nisy azy ity, raha sitrakao, Rahalahy Ben. Nanao fahadisoana aho tamin'ny nanakisahana azy. Nihevitra aho fa izay ilay izy, saingy *teto* no namindran'izy ireo azy.

⁸ Ankehitriny mivavaha ho anay, ny tsirairay avy aminareo. Tena mankasitraka anareo aho. Billy no niteny tamiko fa nisy

olona nitondra paiso iray harona ho anay, ary ireo fanomezana kely izay ianareo... Tsy mahay misaotra anareo betsaka aho. Izaho—izaho tsy mahafantatra hoe ahoana no fanaovana an'ilay izy. Ary izaho—izaho dia mahatsapa ho tsy mendrika ny handray zavatra tahaka izany avy aminareo. Mivavaka aho mba hitahian'Andriamanitra anareo, ary fantattro fa hanaiky Izy, satria Izy no nilaza hoe, "Arak'izay ataonareo amin'ireto madinika ireto, no nanaovanareo an'izany Tamiko koa." Ary hitahy anareo Andriamanitra, azoko antoka.

⁹ Ary satria tena tanàna tsara toy izany Arizona, dia misy zavatra anankiray izay mahamanina ahy, izany dia, ianareo rehetra. Marina izany. Manina anareo rehetra aho. Izaho—izaho tsy manahy na aiza alehako, izaho—izaho... tsy izany ilay izy, tsy ianareo izany. Manana sakaiza aho, na aiza na aiza manerana an'izao tontolo izao, saingy izany—izany dia tsy—izany dia tsy ianareo rehetra. Misy zavatra iray mikasika an'ity vondrona kely itay fotsiny... Tsy fantattro. Mieritreritra azy ireo aho.

¹⁰ Ary any Tucson, tanànan'ny fizahan-tany izany, fantatrareo, ary mifampisintona ireo fiangonana, fantatrareo. Somary sarotra ilay izy. Tsy tena ara-panahy; ary, satria misy ny fifaninanana, dia tena mafy; ary izany no manao an'ilay izy ho sarotra. Raha afaka nahazo anareo rehetra aho, miampy ny fiangonana, avy eo dia mipetraka any, dia neveriko fa ho tena tsara izany. Hitanareo? Saingy ataoko fa, raha mbola mijanona ho fiangonana iray foana ity, ka mbola tonga foana ianareo rehetra, dia mbola ho eto foana aho, mandra-pihavin'i Jesosy.

¹¹ Noho izany dia mivavaha ho ahy, araka ny vao avy nolazaiko teo. Tsy te-hamerina an'izany aho, fa rehefa tonga eto anoloanareo aho, izaho—izaho dia lasa mikorontana, ary lasa malahelo aho, sy mihetsi-po, ary mafana fo, ihany koa. Izany aho, eo am-panombohana, noho izany aho... izany no mahatonga ahy ho torotoro tanteraka ao anaty. Saingy ny mahafantatra fa na aiza na aiza azoko aleha... Izaho dia tsy manana vo—vondrona iray eto an-tany, araka ny fantattro, izay miraikitra amiko tahaka an'ity vondrona ity. Enga anie—eng arie Andriamanitra hanao antsika ho tena tsy afa-misaraka, ka, ao amin'ilay Fanjakana izay ho avy, dia enga anie isika hiaraka ho aho; izany no fivavako.

¹² Nipetraka teto amin'ny varavarana teto aho, niresaka tamin'i Bill Dauch fotoana vitsy lasa mihitsy talohan'ny nitarihana olona iray ho eo amin'i Kristy, indray, tao amin'ilay efitra hafa. Saingy nipetraka tao aho niressaka taminy, iraika amby sivifolo taona, hoy izy hoe, "Izaho—izaho dia mihamalemy. Ireo masoko dia tsy toy ny tokony haha-izy azy."

Ary neveriko fa, taona vitsy lasa izay, dia nanatona azy aho rehefa tratry ny aretim-po tanteraka izy ary fijanonan'ny fo, teo am-pahafatesana. Ary ilay tena dokotera izay nitsabo azy,

izay nilaza fa tsy hety ho salama izy, maty ilay dokotera. Nefa io mipetraka io i Bill Dauch, hitanareo, iraika amby sivifolo taona. Hoy aho hoe, “Bill, tsy ilaina eto an-tany intsony ianao raha ny amin’ny asa sy ny zavatra tahaka an’izany. Saingy izao no hanontaniako, ‘Andriamanitra no nanome tanjaka ho anao,’ satria tianao loatra ireo favoriana.” Io lehilahy sivifolo taona io dia mitety ny firenena amin’ny fiara, mafana, maina, mangatsiaka, tsy maninona, ny zavatra rehetra izay misy, mba handre ny Teny. Andriamanitra anie hitahy an’io fanahy mahery io. Ankehitriny aho dia tsy . . .

¹³ Mbola manana fialan-tsiny anankiray aho, ny amin’ny nihazonako anareo tahaka an’izay nataoko aninkeo maraina, nandritry ny adiny telo. Ary tsy nanao ny fahamarinana teo amin’ilay hafatra aho, satria notapahako ilay izy, ary najanoko ny ampanhan’izany, ary nodinganiko ny ampanhan’izany, sy ny sis. Izany no antony nilazako tamin’izy ireo mba hihazona an’ilay horonam-peo. Aleo ho raisiko indray ilay izy any amin’izay misy mangatsiatsiaka any ho any na tahaka an’izany. Ary izaho—izaho—izaho dia afaka nahatsapa ny Fanahy, saingy mijery anareo aho ary mahafantatra fa mikopakopaka ianareo sy mahafantatra fa mafana ianareo, ary—ary mandrovitra ahy ho potipotika mihitsy izany. Tsy tiako hijaly ianareo; izaho—izaho dia mila anareo hahazo aina. Hitanareo? Ary izany no manasatra ahy.

¹⁴ Ohatra hoe, mahita olona marary aho; raha izaho no tsy afaka—raha izaho no tsy afaka mangoraka an’ireo olona marary ireo, dia tsy hahavita soa ho azy ireo aho. Izaho—izaho dia tsy maintsy mangoraka azy ireo. Ary mitovy amin’izany koa ny—ny aminareo; izaho—izaho dia tsy maintsy mangoraka anareo, raha tsy izany dia tsy afaka ny ho rahalahinareo aho. Hitanareo? Izaho—izaho dia tsy maintsy mangoraka anareo. Ary, manao an’izany aho; Andriamanitra no mahafantatra fa marina izany.

¹⁵ Ary ankehitriny, izao hariva izao, hanolotra vavaka ho an’ny marary aho.

Ary tiako ny . . . lehilahy, sy hidera an’ireto lehilahy ireto, sy Rahalahy Collins, ary Hickerson, Rahalahy Neville, Rahalahy Capps, ireo mpitantan-draharaha, ary ny rehetra, noho ireo tatitra tsara izay tonga, ny amin’ny nanaovanareo am-pilaminana, nametraka ny fiangonana, sy ny amin’ny nahatonga ny zavatra rehetra ho eo amin’ny toerany marina. Mankasitraka anareo aho ry lehilahy. Ny Tompo anie hitahy anareo amin’ny fiezahana mametraka lamina iray. Ary taratasy sy taratasy no tonga tany Tucson, ho ahy hoe, “Rahalahy Branham, tsy tahaka ny taloha intsony ilay izy. Tena samihafa be mihitsy ilay izy, tena fahatsapana voatahy an’ny Fanatrehan’Andriamanitra tokoa.” Ary izaho dia—izaho dia mankasitraka ny amin’izany. Ny Tompo anie hitahy anareo hatrany!

¹⁶ Noho izany, ankehitriny, izao hariva izao, dia namaky toerana kely iray tao amin'ity Soratra ity aho, mba—mba hanomana teny vitsy angamba, hiresaka sy hamaky Soratra iray, ary avy eo dia Soratra vitsivitsy angamba, avy eo dia hiresaka aminareo fotoana fohy ary avy eo hivavaka ho an'ny marary. Tsy misy afa-tsy fotoana fohy ihany; mijery ny famantaranandro aho, ary hiezaka ny hanao an'ilay izy haingana arak'izay vita. Fa neveriko fa rehefa miangona miaraka ny vahoaka be iray, ka tsy mamaky ny Teny na manao zavatra, fampaherezana iray, dia tsy ho feno ilay favoriana.

¹⁷ Maro taminareo no niandry. Maro taminareo no mbola manana dia maily maro izao hariva izao. Toy ny ahoana no ankasitrahako an'izany! Toy ny ahoana no hijereko sy ahitako ny tsirairay avy, ka mieritreritra ny... Any Arizona, dia mieritreritra aho hoe, "Rehefa mahita azy indray aho, dia handeha hiaraka aminy aho ary handray ny tānany sy hamihina ny tendany." Nefa indro ianareo mipetraka eto, ka iza, aiza no hahavitako, fantatrareo? Tsy fantattro hoe iza no hanombohako, ary iza... ahoana no hanaovako azy. Saingy, hia, tiako ianareo. Andriamanitra dia tia anareo, ihany koa.

¹⁸ Ankehitriny dia neveriko, raha tsy diso aho, raha tsy manana ny—ny Soratra diso aho mipetraka eto, dia tiako ny hamaky ny avy ao amin'ny Korintiana Voalohany, ny toko faha-1, manomboka amin'ny andininy faha-18, ary hamaky koa ny Korintiana Faharao 12:11, mba hahazoana lahateny iray. Ankehitriny raha afaka mahita an'ireo haingana mihitsy aho, ary avy eo dia hamaky isika, ary avy eo dia hivavaka ka hanomboka avy hatrany, hiresaka aminareo fotsiny mandritry ny minitra vitsy eo amin'ny lohateny kely iray. Ao amin'ny Korintiana Voalohany, ny toko faha-1, manomboka amin'ny andininy faha-18.

Fa ny teny ny amin'ny hazo fijaliana dia fahadalana amin'izay ho very; fa ho antsika izay vonjena kosa dia herin'Andriamanitra.

Fa voasoratra hoe, hofohanako ny fahendren'ny hendry, ary hataoko tsinontsinona ny fahalalan'ny manan-tsaina.

Aiza ny hendry? aiza ny mpanora-dalàna? aiza ireo mpiady hevitra avy amin'izao tontolo izao? tsy nataon'Andriamanitra ho fahadalana ve ny fahendren'izao tontolo izao?

Afaka manonona an'izany indray ve aho? "Tsy nataon'Andriamanitra ho fahadalana ve ny fahendren'izao tontolo izao?" Inona àry ilay fahendren'izao tontolo izao? Fahadalana.

...tsy nataon'Andriamanitra ho fahadalana ve ny fahendren'izao tontolo izao?

Satria noho ny fahendren'Andriamanitra dia tsy nahalala an'Andriamanitra tamin'ny fahendrena izao tontolo izao, fa ny fahadalan'ny fitorian-teny no sitrak'Andriamanitra hamonjena an'ireo izay nino.

Afaka mamaky an'io andininio io indray ve aho? Henoy tsara.

Satria noho ny fahendren'Andriamanitra dia tsy nahalala an'Andriamanitra tamin'ny fahendrena izao tontolo izao, fa ny fahadalan'ny fitorian-teny no sitrak'Andriamanitra hamonjena an'ireo izay mino.

Fa ny Jiosy dia mila famantarana, . . . ny Grika mitady fahendrena:

Fa izahay kosa dia mitory an'i Kristy voahombo, amin'ny Jiosy dia fahatafintohinana, . . . fahadalana ho an'ny Grika;

Fa amin'ireo izay voantso kosa, na Jiosy na Grika, dia Kristy no herin'Andriamanitra, sy fahendren'Andriamanitra.

Satria ny fahadalan'Andriamanitra dia hendry noho ny olona; ary ny fahalemen'Andriamanitra dia mahery noho ny olona.

¹⁹ Ary ao amin'ny Korintiana Faharoa ny toko faha-12, ny andininio faha-11, Paoly no miresaka.

Tonga adala aho amin'ny laza; ianareo no nanery ahy: fa tokony hoderainareo aho: satria aho tsy latsaka noho ny apostoly ambony indrindra, na dia tsinontsinona aza aho.

²⁰ Ndao isika hivavaka. Tompo Jesosy, manampia amin'ireo teny vitsy ireo, izao hariva izao, izay notenenina tamin'ireo andro efa lasa, tamin'ny alàlan'ilay apostoly malaza Paoly, mba hahafahanay hitombo amin'ny fandrenesana azy ireo izao hariva izao, amin'ny fampiharana azy ireo eo amin'ny fiainanay, mba hahatonga anay ho—ho asa-tànan'Andriamanitra, natao tao amin'ny fomba izay Nofidiany hisy anay. Fa mangataka an'izany amin'ny Anaran'i Jesosy izahay. Amena.

²¹ Hitory teny mandritry ny minitra vitsy aho izao hariva izao, raha sitraky ny Tompo, eo amin'ny lohateny hoe: *Ilay Mahatsikaiky*. Ankehitriny, izany dia lahateny iray tena mivantana, henjana ho raisina, saingy izany dia, neveriko, no hahalaza an'ilay izy eo ho eo amin'ny fomba izay tiako hanehoana azy.

²² Fantatrareo, misy zavatra marobe, amin'izao andro izao, izay mahatonga ny olona ho *mahatsikaiky*, araka ny iantsoantsika azy. Ary io teny io, raha misy olona mbola tsy nandre azy mihitsy, izany dia midika olona iray izay “hafa kely,” olona iray izay “hahahaha” amin'ny olona iray hafa. Ary tsy isalasalana fa maro amintsika no hahahaha, ny iray amin'ny iray hafa.

²³ Ary, ankehitriny, nandeha teny an-dàlambe aho indray mandeha tany Los Angeles, California, ary nahita olona iray tena hafahafa aho, nanao fihetsika hafahafa. Ary nandeha teny an-dàlambe izy, tsy hoe manao fiambenana, fa nandeha tsotra fotsiny tahaka ny fandehandehanana amin'ny tolak'andro izy. Ary nandeha teny amin'ny ilany hafa an'ilay lèlambe aho, mba hahita an'izay nataony. Ny olona rehetra dia nitoditodika, nihomehy azy, noho ny maha-hafa kely azy.

Voamariko fa nanana takelaka iray izy nihantona teo anoloany. Ary nieritreritra aho fa hijery an'izay nihomehezan'ny olona rehetra aho, io olona hafahafa, hafa kely io. Ary noho izany izy dia... Voamariko izy fa isaky ny mijery azy ny olona, dia nihomehy azy izy ireo, ary—ary, saingy toa ohatry ny nanana karazana tsiky hafa iray izy, tsikin'ny fahafaham-po iray. Ireo tsiky hafa izay nomen'ny olona azy dia betsaka toy ny hoe hanesoana azy, saingy toa ohatry ny afa-po tamin'izay nataony izy.

²⁴ Eny, izany ilay zavatra manontolo tokony ho eritreretina, rehefa ny olona iray no afa-po fa tsara ny ataony. Na dia ho mahatsikaiky iray amin'ny olona hafa aza izy, raha afa-po izy fa tsara ny ataony, amin'izay fotoana izay dia avelao izy hipetraka amin'izany.

Ary rehefa tonga teo akaikin'ilay lehilahy kely aho, dia voamariko teo...teto amin'ny tratrany teto, teo amin'ny baoritra iray na tabilao iray, dia voasoratra hoe, "Izaho dia adala iray," ary teo ambany, dia nisy hoe, "an'i Kristy." "Izaho dia adala iray," amin'ny litera lehibe; teo amin'ny farany ambany, nanao hoe, "an'i Kristy." Ary ny olona rehetra dia nihomehy an'izany.

²⁵ Ary rehefa nisisika teo amin'ireo vahoaka be nanaraby sy nanao hadalana ity lehilahy kely ity, dia nitodika aho mba hijery ny tao an-damosiny. Ary nisy baraingom-panontaniana iray goavana be tao an-damosiny, ary teo amin'ny farany ambany, nanao hoe, "Ankehitriny mba adalan'iza ianao?"

²⁶ Eny, izaho—izaho dia nihevitra fa nanana zavatra iray izy teo, hitanareo, saingy toy ny afa-po izy tamin'ny nahafahany ho adalan'i Kristy. Ary izany no nilazan'i Paoly fa nahalasa azy, "adala iray" an'i Kristy.

²⁷ Rahalahy Troy, avy ao amin'ny Full Gospel Business Men, tena sakaizako tsara, izy—izy dia mpandidy hena. Ary tratry ny karazana tsimok'aretina kely iray izy teo amin'ny tânany, avy tamin'ny fandidiana henan-kisoa indray mandeha. Lehilahy iray izay mahafantatra, na vehivavy, dia mety mahafantatra hoe inona ilay tsimok'aretina; saingy izany—izany dia hihinana anareo tanteraka. Noho izany, mba hiarovana ny ainy, izy ireo dia tsy maintsy—tsy maintsy nanapaka rantsan-tânana telo. Ary

rantsan-tànana roa fotsiny sisa no nananany teo amin'ny tànana anankiray, saingy mbola mijanona ho mpivaro-kena foana izy.

²⁸ Ary nisy Alemandy kely iray teo izay niara-niasa taminy tao amin'ny—tao amin'ny fivarotan-kena iray, tany Los Angeles, noho izany izy—izy dia nanohy niezaka nitarika an'ilay Holandey kely teo amin'i Kristy. Ary nilaza izy fa izy dia efa "Lot'rana," ary nety tsara taminy izany. Afa-po izy tamin'ny naaha-Kristiana iray azy, satria nikambana tamin'ilay fiangonana "Lot'rana" izy, araka ny nanononany azy. Noho izany indray hariva dia nanana tombontsoa nitondra azy nandeha tany am-piangonana Rahalahy Troy.

²⁹ Ny anarany dia Henry. Ary Henry, amin'ny teny Alemandy, dia "Heinrich," ary izy ireo koa dia miantso azy hoe "Heini." Efa nandre an'io teny io ianareo. Hoy izy hoe, "Heini, ahoana raha handeha hiaraka amiko any am-piangonana ianao anio hariva?"

³⁰ "Eny," hoy izy, "Mino aho fa handeha aho." Koa dia nandeha tany amin'ny fivoriana iray an'ny fanao fahiny izy izay nananan'izy ireo fivoriam-bavaka iray, ary tafiditra tao anatin'ny faharesen-dahatra tanteraka izy, ka nanome ny fony ho an'i Kristy.

Oh, ny ampitso, dia nifaly tamin'ny tenany ity Holandey kely ity. Isaky ny fotoana kely dia mandeha manerana an'ilay tranobe fotsiny izy, miaraka ny tànany mitsangana, manao hoe, "Ho an'Andriamanitra ny dera! Misaotra Anao, Tompo Jesosy!" ary nahasarika ny fifantohan'ny rehetra izy, izy rehetra ireo.

³¹ Hitanareo, lasa mahatsikaiky anankiray izy ho an'ilay laharan'ny mpandidy hena manontolo. Ary mety teo am-padidiana hena izy, no sady nanomboka nieritreritra ny amin'ny Tompo, dia nanomboka nitomany izy. Napetrany ilay antsy, ary nandeha nandroso-sy-niverina teo amin'ny lalantsara izy, tsy tamim-pahataitairana akory, fa nitia an'i Kristy fotsiny, nanao hoe, "Oh, toy ny ahoana no itiavako Anao, 'Yesosy!'" Fantatrareo, nandeha etsy sy eroa fotsiny.

³² Ary nandalo ilay lehibe ka nahita azy nanao an'izany, ary raha nandeha teo izy, dia nitomany. Ary, ilay lehibe, tsy nahatsikaritra an'ilay lehibe mihitsy izy; nieritreritra an'i Jesosy fotsiny izy. Ary nanomboka nidina izy, niaraka tamin'ireo tànany nitsangana, sy ireo ranomaso nikoriana teo amin'ny tavany, nanao hoe, "O Andriamanitra, toy ny ahoana no itiavako Anao!"

Ary hoy ilay lehibe hoe, "Heini, inona marina ity nanjò anao?" Hoy izy hoe, "Ny olona rehetra eo amin'ny—eo amin'ny laharana dia miresaka ny amin'izany. Inona marina ity nanjò anao, Heini?"

³³ Hoy ilay Holandey kely hoe, "Oh, ry lehibe!" Hoy izy hoe, "Voninahitra ho an'Andriamanitra, voavonjy aho!"

Hoy izy hoe, “Naninona ianao?”

Hoy izy hoe, “Voavonjy aho!” Hoy izy hoe, “Nandeha niaraka tamin’i Rahalahy Troy eto aho tany amin’ny trano fiangonana kely iray, ary izaho—izaho dia voavonjy. Ary niditra tato am-poko Jesosy, ary tena feno fitiavana aho!”

Hoy izy hoe, “Tsy maintsy nandeha tany amin’ilay andiana bilao indray ianao io.”

³⁴ Hoy izy hoe, “Hia!” Hoy izy, “Voninahitra ho an’Andriamanitra!” Hoy izy, “Misaotra an’Andriamanitra ny amin’ireo bilao!” Hoy izy hoe, “Fantatralo, alaivo ny fiara iray mandeha eny an-dàlana, dia esory ireo bilao rehetra aminy, tsy banana na inona na inona ianao afa-tsy andiana ‘korontamby!’”

³⁵ Eny, tsy fantatro fa tena saiky marina fotsiny ny an’ity Holandey kely ity. Esortina hiala ireo bilao rehetra? Ireo bilao no mihazona azy rehetra hitambatra. Ary heveriko fa izany no mihazona ny fiangonana hitambatra indraindray, mihazona ny fandrosoana rehetra.

³⁶ Ankehitriny, rehefa avy tany amin’ny famangiana iray tany Prescott aho, andro vitsy lasa izay, dia njery an’ilay tany efitra aho ary nahamarika hoe ahoana fa tao Phoenix dia nanana an’ilay Saha Japoney izy ireo, ary nanana voninkazo izy ireo tao, voninkazo tsara tarehy. Tao, raha mbola zazalahy iray aho tany, dia niandry biby fiompy nandalo tamin’ireo toerana ireo aho. Ireo ombivavy, tsy nisy ahitra, noho izany dia nivelona fotsiny tamin’ireo voan-tsilo sy ny sisa izy ireo.

³⁷ Ary avy eo dia voamariko fa nisy ny—ny famerenana indray an’izay ilaina any amin’ny tany efitra. Ary any amin’ny tany efitra dia hitantsika izany, ireo tsilo sy voninkazo. Ary any antranoko any, na any amin’ilay trano izay hofainay; Ranabavy Larson, heveriko fa teto izy aninkeo maraina, nahita azy aho. Ary manana fitehirizam-boninkazo iray izy any ivelan’ilay—ilay trano; tany iray. Ny zavatra rehetra ao dia fasika, noho izany dia nanana fasika izy tao anatin’ny fitehirizam-boninkazo lehibe iray teo amin’ny lafiny tsirairay an’ilay tranokely. Ary isamaraina dia tsy maintsy mivoaka aho ka manondraka an’ireo voninkazo ireo. Raha tsy tondrahako izy ireo, dia ho faty izy ireo. Ary izy ireo dia... Ary avy eo, indray, dia tsy maintsy mitondra fanafody aho ary mamafy fanafody azy ireo, mba hiarovana azy ireo amin’ny hao; hihinana azy ireo tanteraka ireo bibikely.

³⁸ Ary dia mandeha lavitra kely avy eo fotsiny ianareo, telopolo dian-tongotra miala eo, dia misy voninkazo vitsivitsy izay maniry, ary ao amin’ilay tany efitra izy ireo no maniry. Ary afaka mangady any amin’ny roapoloo dian-tongotra ambany any ianareo fa ho toy ny vanja iray barely izany; tsy misy na inona na inona mihitsy afa-tsy vovoka fotsiny, ary tsy misy rano mihitsy. Fa iza no mamafy azy ireny? Hitanareo?

Ireto ao anatin'ny fitehirizam-boninkazo ireto, raha manao tsirambina ianareo amin'ny famafazana sy fanondrahana azy ireo, ireo termita sy bibikely, hao, no hihinana azy ireny tanteraka. Saingy tsy afaka mikasika an'io anankiray any amin'ny tany efitra io kosa ireo hao, sady tsy mila tambatambazana sy tondrahana isan'andro izy; izy no famokaran'ilay mpamorona. Ity dia famerenana indray mifangaro.

³⁹ Ary mieritreritra aho fa, amin'izao andro izao, ny antony nahatonga ny Kristianisma, ho an'ny olona, ho bilao iray; dia satria andiam-pamerenana indray no ananantsika fa tsy Kristiana tena izy, andiany iray izay tsy maintsy tambatambazana syfafazana, ary mba hijanonana ao amin'ilay fiangonana.

⁴⁰ Azoko eritreretina ilay Fiangonana voalohany indrindra, hoe inona izy ireo, ka mampitaha an'izany amin'ity famerenana indray amin'izao andro izao ity. Mety ho famokarana mora izany raha amin'ny naha-izy an'ilay tena Fiangonana voalohany, ireo mpino an'Andriamanitra matanjaka, niaraka tamin'ny Fanahy Masina. Tsy nanambitamby azy ireny ianareo. Tsy nila nitehatehaka azy ireny ianareo ka niteny tamin'izy ireo fa hampiditra azy ao amin'ity anankiray ity ianareo; ary rehefa reraka amin'io anankiray io izy ireo, dia mandeha mankany amin'ilay anankiray hafa izy ireo; ary hataonareo ho diakona iray izy ireo raha ho avy eto ka hiala amin'ity iray hafa ity. Izany no famerenana indray mifangaro.

⁴¹ Nieritreritra ny amin'ny hosodoko tany am-boalohany an'i Michelangelo aho, mino aho, fa "Ilay Sakafo Farany." Heveriko fa izy no nandoko an'izany. Mba fantatrareo ve hoe ohattrinona no ho vidin'io sary tany am-boalohany io aminareo? Mety ho dolara an'arivony tsy voaisa aza, dia tsy hahakasika mihitsy an'io tany am-boalohany io, satria tsy taka-bidy izany. Avo loatra ilay teti-bidiny! Saingy afaka mividy mora ny famerenana indray an'izany ianareo eo amin'ny roa dolara eo.

⁴² Izany no tsy hahazoan'ny olona amin'izao andro izao an'ilay tanjak'ireo tena mpino, tena izy. Lasa adaladala iray izy ireo. Fantatrareo, mitsofoka ao anatin'ny karazana mahazatra iray izao tontolo izao hany ka tsy maintsy manana bilao iray ianareo hanitsiana azy. Mila olona iray ho tonga eo amin'ny sehatra izay hafa kely, dia adaladala iray izy ho an'io taranaka io. Nieritreritra aho indray andro hoe, iza no mahavita?

Iza no tsy adaladala amin'izao andro izao? Ianareo dia adaladala ho an'ny olona iray. Mino aho fa izao tontolo izao dia ho lasa adala tanteraka. Efa fantatrareo ve fa izao no fotoana izay tsy hahaizan'ny olona mitsara ny marina sy ny diso, na fahamarinana na fahadisoana?

⁴³ Fantatrareo ve fa ireo politisiana dia tsy mahay mitsara ny marina sy ny diso? Efa hitanareo ve izy ireo fa miala amin'ilay fifidianana ny Baiboly hiverina ao amin'ny fiangonana na ao amin'ny... Baiboly hiverina ao amin'ny sekoly? Tsy fantatr'izy ireo hoe inona no lalana hahatafavoaka ny politika. Eritrereto izany! Tsy fantatro hoe ahoana ny eto Indiana ankehitriny, fa any amin'ny fanjakan'i Arizona dia manohitra ny lalana ny mamaky Baiboly ao an-tsekoly. Heveriko fa toy izany koa eto Indiana, saiky ny Etazonia manontolo, satria vehivavy tsy mahatoky iray no nanova an'ilay fandaharana manontolo. Ary, tsarovy, fa manohitra ny lalana ny mamaky Baiboly any amin'ireo sekolimpanjakanantsika, fa ireo hetran'ny mpino no manohana ny tsy fahatokiana mba hampianarina ao amin'ny sekoly.

⁴⁴ Politika. Mila Abraham Lincoln hafa iray isika. Mila Patrick Henry hafa iray isika. Mila Amerikana iray isika izay afaka hijoro ka tsy hijery izay misy an'ireo politika, ka hiantso ny marina hoe, "marina," ary ny diso hoe, "diso."

⁴⁵ Efa fantatrareo ve fa ireo mpitory teny amin'izao andro izao dia tsy mahay mitsara hoe iza no marina, ny Tenin'Andriamanitra sa ny fiangonana anaram-piangonana? Tsy fantatr'izy ireo hoe iza no lalana haleha. Tsy hain'izy ireo ny mitsara ny marina sy ny diso. "Fantatro fa ny Baiboly no milaza an'izany, saingy ny fiangonanay dia milaza..." Hitanareo, tsy afaka mahavita mitsara ny marina amin'ny diso ny olona. Ary ny zavatra rehetra izay mifanohitra amin'ny Baiboly dia diso. Ny Tenin'Andriamanitra no marina, fa ny tenin'olona rehetra dia lainga, izay mifanohitra amin'Izany. Ary ankehitriny ny miezaka hijoro eo amin'ny—ny—ny fotoana tahaka an'izao, ka manohana an'izay marina, dia lasa adaladala iray ianareo.

Ndaou isika haka toetra vitsivitsy.

⁴⁶ Azoko erittrerina i Noa mpaminany, tao amin'io andro malaza izay niaiany io; io taona siantifika malaza izay nanorenan'izy ireo ny pyramida sy ireo tsangambato, izay nahafahan'izy ireo nanaporofo fa tsy nisy rano teny amin'ny lanitra, tamin'ny alalan'ny fikarohana siantifika. Indro tonga teo ity lehilahy antitra ity, ka nanao hoe, "Ho avy ny ranonorana avy any an-danitra." Adaladala iray i Noa ho an'io taranaka io. Lasa adaladala iray izy.

⁴⁷ Ndaou isika hieritreritra an'i Mosesy. Mosesy, rehefa nandeha nankany amin'i Farao izy, araka ny noresahantsika aninkeo maraina, ary nandeha nankany amin'i Farao i Mosesy, ka nanao hoe, "Ny Tompo no naniraka ahy hamoaka an'ireo andevo ireo," niaraka tamin'ny tehina iray teny an-tanany, nanohitra an'ilay tafika lehibe izay nandresy an'izao tontolo rehetra izao. Farao, tao amin'ny fahaiza-manaony siantifika rehetra, dia nieritreritra fa adaladala iray i Mosesy. Ary, adaladala iray izy, ho azy ireo.

⁴⁸ Azoko eritreretina i Elia mpaminany, tao amin'ny andro malazany, tamin'ilay taona malazan'ny lamaody; rehefa nanapaka an'izao tontolo izao i Ahaba sy Jezebela, mba ilazana azy, tamin'izany andro izany; ary ireo lamaody rehetra sy ny sisa izay tian'i Jezebela nanaovana, ary toy ny ahoana no nahazoany an'ireo vehivavy rehetra nitafy tahaka azy, sy ireo lokon-tarehiny, ary nanohy, ireo lamaodiny, ilay fomba izay nanamboarany ny tenany. Ary rehefa antitra masiaka iray, tahaka an'i Elia, no nivoaka teo amin'ny sehatra ka nanohitra an'ilay firenena manontolo; ho an'i Ahaba, dia adaladala iray izy. Marina izany.

⁴⁹ Amosa, ilay mpaminany, rehefa tonga tao Samaria izy tamin'ny andro izay nahatonga an'i Samaria hitovy amin'ny Hollywood amin'izao andro izao, ireo vehivavy eny andàlambe, miakanjo, ary fijangajangana am-pahibemaso mihitsy aza, ahoana no nanohizan'izy ireo sy niainany tany, namela lehilahy...

⁵⁰ Saiky fijangajangana am-pahibemaso ilay izy, amin'izao andro izao, eo anoloanareo mihitsy. Nandeha tany amin'ny toerana iray aho indray hariva, mba hividy zavatra hohanina, ary zazalahy sy zazavavy kely teo no nifamihina sy nifanoroka tahaka ny tsy fantatro hoe inona.

Ary fantatrareo ve, ry ranabavy keliko, fa izany dia fijangajangana amin'ny ampahany? Rehefa manoroka anareo ny lehilahy iray, dia efa nijangajanga taminareo tamin'ny ampahany izy. Tsy tokony hamela azy mihitsy hanoroka anareo ianareo mandra-pivadinareo, satria ireo glandy, na ny glandy lahy na vavy, dia eo amin'ny molotra. Azonareo ve? Ary rehefa tonga miaraka ireo glandy lahy sy vavy, na aiza no mety hisy an'ilay izy na aiza, dia efa nijangajanga tamin'ny ampahany ianareo. Ary tsy tokony hamela zazalahy iray hanoroka anareo ianareo mandra-pialan'ilay voaly eo amin'ny tavanareo ka vadiny ianareo. Aza manao an'izany! Mijanganjanga izany. Mampifangaro ny glandy lahy sy vavy izany.

⁵¹ Nahoana ny lehilahy iray no tsy manoroka lehilahy iray, ny vehivavy tsy manoroka vehivavy iray, eo amin'ny molotra? Satria tsy mampita glandy izany. Ny zaza dia teraka amin'ny fifampitana glandy.

Noho izany dia saiky fijangajangana am-pahibemaso iray indray izany, na aiza na aiza. Jereo eo amin'ireo fitaratra sy ny sisa izay hitanareo, ny—ny rarak'ivy sy ny—ny hadalana. Tsy mahagaga raha ny faharatsiam-pitondran-tena no eo amin'ny—eo amin'ny fiakarana! Ahoana no hahafahan'izy ireo manao an'izany, sy manaitra ny tenany rehetra amin'ny fanorohana an'ireo vehivavy ireo eo amin'ny vava, mahafantatra fa izany dia fijangajangana! Tsy hamela an'izany Andriamanitra raha tsy mibebaka ianareo.

⁵² Ary ankehitriny, rehefa tonga, io mpaminany malaza io, Amosa. Izy dia fantatra fa anankiray amin'ireo mpaminany madinika satria tsy nisy betsaka voasoratra ny aminy, saingy nanana ny Tenin'ny Tompo izy. Ary njery tany amin'ilay tanàna izy, izy rehetra dia voatolotra... Tao amin'ireo saha, ny lehilahy dia nipetraka niaraka tamin'ny sandriny nanodidina an'ireo vehivavy, ary ireo vehivavy niaraka tamin'ny sandriny nanodidina ny lehilahy, Hollywood moderina iray fotsiny! Ary nandeha nitety an'io tanàna io izy, ka nanao hoe, "Mibebaha ianareo raha tsy izany dia ho levona!" Adaladala iray izy. Saiky nilaza ny tenany ho very saina mihitsy aza izy, teo amin'izy ireo.

⁵³ Jaona Mpanao-batisa, rehefa tonga teo amin'ny sehatra izy. Ho an'ireo anaram-piagonana mpivavaka tamin'izany andro izany, dia adaladala iray izy. Nanana ny fanararaotra ho lasa mpisorona iray izy, hanaraka ny dian'ny rainy. Saingy nolaviny ny hanao an'izany, satria Andriamanitra no nitahiry azy ho lavitr'ireo fanelekem-pinoana sy anaram-piagonana ireo, satria lehibe loatra ny asany. Izy no tsy maintsy nilaza ny fihavian'ilay Mesia. Ary rehefa tsy nanana na inona na inona hatao izy na niaraka tamin'ireo Fariseo, Sadoseo, na inona koa ilay izy, dia nolaviny ilay vondron'izy ireo, ka nanao hoe, "Aza manomboka miteny ianareo hoe, 'Manana an'i Abrahama ho rainay izahay,' fa izaho dia milaza fa Andriamanitra dia afaka manangana zanaka ho an'i Abrahama avy amin'ireto vato ireto." Ho an'ilay—ho an'ilay tontolo mpivavaka tamin'ny androny, dia adaladala iray izy. Marina.

⁵⁴ Rehefa tonga teo amin'ny sehatra Jesosy. Ho an'ireo olona mpivavaka tamin'ny Androny, dia adaladala iray ihany koa Izy. Satria, hoy izy ireo hoe, "Samaritana Ianao. Ianao dia tsy ao amin'ny Sainao. Ianao dia lehilahy foka," amin'ny teny hafa dia, "lehilahy adala iray." Izany Izy, ho an'ireo olona, ilay Tompo sy Mpamponjinareo.

Tsy mahagaga, i Paoly, nofanin'i Gamaliela mba ho mpisorona iray, ilay fanararaotra mba ho lasa mpisoronabe iray indray andro. Ary teny amin'ny lâlany nankany Damaskosy, dia nodomin'ny Hazavana ivelan'ny voajannahary iray izy. Ary niandranda izy, amin'ny maha-Jiosy iray, ka nahafantatra fa io Andry Afo io no ilay nitarika ny olony. Hoy izy hoe, "Tompo, Iza moa Ianao?"

Dia hoy Izy hoe, "Izaho no Jesosy."

⁵⁵ Ary rehefa nariany ny fianarany, dia nariany ny teolojiantre izay nanofanana azy tao amin'ireo sekoly, ary lasa mpitory teny tsotra iray, an-dàlambe, adaladala iray izy. Hoy izy hoe, "Tonga adala aho."

⁵⁶ Ary ireo olona dia nihevitra fa foka izy, tsy tao amin'ny tenany. Niteny tamin'i Festosy izy hoe, "Tsy foka aho."

Nahafantatra ny Tompo fotsiny izy. Saingy ny mahafantatra ny Tompo ao amin'ny vondrona mpivavaka iray . . .

Antenaiko fa tsy diso an'ity ianareo. Ny mahafantatra an'i Jesosy, amin'izao andro izao, eo anivon'ny vondrona mpivavaka iray, dia adaladala iray ianareo. Tsy niova izany. Afaka mijanona ela eo amin'io aho, saingy izaho—izaho te-handeha haingana ho an'ilay laharam-bavaka.

⁵⁷ Martin Luther, ilay pretra Alemandy kely, izay nitondra an'ilay fandraisana indray andro, dia nanipy an'izany teo amin'ireo tohatra, ka nanao hoe, "Tsy vatan'i Jesosy Kristy ity. Ity dia mofo fotsiny izay namboarina tao ambadika tao." Ary nanambara izy, hoe, "Ny marina no ho velona amin'ny finoana." Adaladala iray izy, ho an'ilay fiangonana Katolika. Azon'izy ireo novonoina izy noho izany, saingy, adaladala iray izy, ka navelan'izy ireo nipetraka tsara fotsiny izy. Fa, lasa adaladala iray izy, ho an'io taranaka io.

⁵⁸ John Wesley, tamin'ny andron'ilay oran'ny faharatsiam-pitondran-tena lehibe an'i Angletera. Fa, raha tsy tonga teo amin'ny sehatra ny fifohazana Wesleyana . . . Izao tontolo rehetra izao dia voaloto, faharatsiam-pitondran-tena na taiza na taiza. Ary lasa lavitra loatra ilay fiangonana Anglikana hany ka tsy nisy fifohazana intsony; eritreritra Calvinista izany! Ary tonga teo amin'ny sehatra i John Wesley, niaraka tamin'ny—tamin'ny tenin'ny fanamasinana, nanadio an'ilay faharatsiam-pitondran-tena. Lasa adaladala iray izy.

⁵⁹ Voalazan'Atoa. Wesley, indray mandeha, tao amin'ny bokiny. Nandeha teo amin'ny lâlan-kely iray izy, ary ny anankiray tamin'ny lehilahy avy tao amin'ilay fiangonan'i Angletera . . . Izy rehetra dia nihevitra fa adala izy, noho izany dia nitsangana teo amin'ilay lâlan-kely izy. Atoa. Wesley dia lehilahy bitika kely. Nihevitra ity lehilahy goavana be ity fa hamely tahamaina azy fotsiny, noho izany dia nitsangana teo amin'ilay lâlan-kely izy. Nandroso Atoa. Wesley ka nanao hoe, "Manao azafady aho, tompoko, afaka hiala amin'ny lâlana ve ianao? Maika aho."

Dia hoy ilay Anglikana taminy hoe, "Tsy hiala amin'ny lâlana ho an'ny adala iray aho."

⁶⁰ Nanala ny satrony tamim-pahalalam-pomba Atoa. Wesley, nandeha nanodidina azy; nanao hoe, "Izany foana no ataoko." Noho izany, hitanareo, izany ilay anankiray izay adaladala; ilay anankiray dia ho an'i Kristy; ilay anankiray hafa dia ho an'ny fiangonana.

Noho izany, ianareo dia adaladalanan'ny olona iray, foana.

⁶¹ Rehefa tonga teo amin'ny sehatra ireo Pentekotista, dimampolo taona lasa izay. Hoy izy ireo hoe, "Adala ireo olona ireo!" Adaladala izy ireo, marina izany, satria nanameloka an'ilay fahalòvana rehetra izay tao amin'ireo taonan'ny

fiangonana tamin'izany fotoana izany izy ireo rehefa tonga teo amin'ny sehatra izy ireo.

Fa inona no nataon'ireo Pentekotista? Niverina avy hatrany tamin'ilay lò izay nivoahan'izy ireo, niverina avy hatrany tao amin'ilay fahalòvana ara-anaram-pianganana. Mba fantatrareo moa? Izao no fotoana ho an'ny adaladala iray hafa. Eny. Izao no fotoana ho an'ny anankiray hafa. Marina izany.

⁶² Mariho, ny bilao iray, alohan'ny hisian'ny bilao iray, dia misy visy iray antonona an'io bilao io. Ary io bilao io dia voahodina ho an'io visy io; raha tsy izany, dia tsy ho antonona izy. Mariho. Ireo rehetra izay voahodina, tamin'ny andron'i—i Noa, voahodina ho an'ny hafatry ny Filazantsara; Noa, ilay bilao, no nisintona azy ireo ho ao anatin'ny sambofiara. Ilay izy dia miankina amin'ny hoe inona no nanodinana anareo, voahodina ho amin'ny inona ianareo. Raha voahodina ho an'izao tontolo izao ianareo, dia izy ireo no hisintona anareo. Raha voahodina ho an'ny Teny ianareo, dia Izany no hisintona anareo. Ilay izy dia miankina amin'ny hoe izao no nanodinana anareo, bilao inona no harahinareo.

⁶³ Fa i Noa, amin'ny maha-bilao iray miaraka amin'ny Tenin'Andriamanitra, bilao iray ho an'ilay taona siantifika sy taonan'ny mpivavaka izay niainany, izy no nitarika azy ireo, izay nety ho vonjena, tao amin'ny sambofiara. Amena. Ireo izay voafidy mialoha, dia ilay visy no vita talohan'ilay bilao. Ilay visy no tsy maintsy voahodina ho an'ilay bilao.

⁶⁴ Toy izany koa, Satana, izy dia manana visy sy bilao maro, ihany koa, visy sy bilaon'ireo fanjakan'ity izao tontolo izao ity.

Farao dia tena bilao ho an'i Noa, na ho an'i Mosesy, tahaka ny naha-izany an'i Mosesy ho an'i Farao. Farao, niaraka tamin'io fitapitany siantifika rehetra, dia hisintona ny fireneny ho an'ny tenany. Noa, tamin'ny naha-bilao iray ho an'Andriamanitra, dia nisintona ny fiangonana ho any amin'ilay tany nampanantenaina. Izany dia miankina amin'ny hoe fomba ahoana no nanodinana anareo. Nisintona ny fiangonana hiala tao Egypta izy; tahaka an'i Noa nisintona ny fiangonana hiala amin'izao tontolo izao, ho ao amin'ilay sambofiara. Mosesy dia nisintona ny fiangonana avy tao Egypta, ho any amin'ny tany nampanantenain'Andriamanitra.

⁶⁵ Jesosy dia nilaza. Ankehitriny, mitandrema tsara, satria ireto bilao sy visy ireto dia saiky mitovy tanteraka. Diniho fotsiny ilay fanodinana. Matio 24:24, hoy Izy hoe, "Saiky hamitaka an'ilay tena Voafidy izany."

Ankehitriny, ny-ny Amerikana sy ny anaram-pianganan'izao tontolo rehetra izao dia mila bilao iray.

⁶⁶ Ny Metodista, ny Batista, ny Presbyterana, izy rehetra ireo dia miahaka ao anatin'ity, itsy, ary miady daholo. Ary, na izany aza, izy rehetra dia voahodina amin'ilay visy iray ihany. Noho izany Andriamanitra dia nanome azy ireo visy iray, ary

nandefa bilao iray ho azy ireo, ny Fiombonamben'ny Fiagonana Maneran-tany. Io no hisintona azy rehetra miaraka. Marina izany. Azo antoka fa hisintona io. Io no hisintona azy miaraka, ilay Fiombonambe Maneran-tany.

⁶⁷ Fantatrareo, nisy, teto vao tsy ela akory izay... Tsy misy na inona na inona afaka hitranga, zavatra iray, raha tsy misy antony iray. Ireo vehivavy dia te-hanala ny akanjony. Te-hanao sorta izy ireo. Mbola te-hikambana amin'ny fiagonana foana izy ireo. Te-hanao an'ireny 'kinis' rehetra ireny izy ireo, na inona koa no hiantsoanareo an'ireo zavatra ireo. Tian'izy ireo ny manao an'izany, ary mbola te-hikambana amin'ny fiagonana foana izy ireo; te-hiantsoantso izy ireo, hihorakoraka, ary mandihy; manompo, izany no fanompoana iray.

⁶⁸ Ankehitriny, raha nanam-potoana aho, dia nopofoiko taminareo izany. Izany no fanompoan-devoly iray, mandihy tahaka an'izany ary manao an'ireo zavatra ireo. Azoko porofoina aminareo izany, ao amin'ireo firenena mpanompo sampy. Te-hanompo izy ireo, ka mihazona ny fanambarany ary mbola mijanona foana ao amin'ilay fiagonana. Noho izany Andriamanitra dia nanome azy ireo adaladala iray, roa na telo amin'izy ireo; ny anankiray antsoina hoe Elvis Presley; ny anankiray, Pat Boone, ary Ernie Ford; afaka mihira hira fiderana sy ny sisa rehetra, nefo mbola milaza ho Kristiana iray. Bilao iray izany. Tsy voahodina tamin'ilay Teny izany. Marina.

Ankehitriny, nilaza aho fa hamarana aho ao anatin'ny antsasak'adiny, ary tapitra ilay izy. Fa, henoy.

⁶⁹ Mila bilao iray izao tontolo izao. Ny devoly dia mahita fa azon'izy ireo izany. Efa voahodina ho amin'izany izy ireo.

Fa, raha mbola voahodina ho an'ny bilao iray izao tontolo izao, dia misy vahoaka iray antsoina hoe ny Ampakarina. Izy dia voahodina, ihany koa. Tena azo antoka tahaka ahy mijoro eto, dia handefa bilao iray ho azy ireo Andriamanitra izay hisintona an'ilay Ampakarina hiala amin'ity fahapotehana ity, ho eo amin'ny Fanatrehan'Andriamanitra. Izany dia ho bilao iray voahodin'ny Teny.

⁷⁰ Mpitsikera iray, andro vitsy lasa izay, no nilaza tamiko, tany Tucson. Hoy izy hoe, "Fantatralo, ny olona sasany dia manao anao ho adala iray, ary ny sasany manao anao ho andriamanitra iray."

Hoy aho hoe, "Eny, toa ohatry ny marina kely izany." Fantatralo fa niezaka ny hitsikera ahy izy. Hitanareo?

⁷¹ Hoy izy hoe, "Ny olona dia mihevitra fa andriamanitra iray ianao."

⁷² Hoy aho hoe, "Eny, izao fotsiny..." Fantatralo fa tsy nanao an'izany ny olona. Saingy izaho—izaho dia nahafantatra fa tsy azony ilay izy, satria tany amin'ny ilany hafa amin'ilay hoditra izy, hitanareo. Noho izany dia fantatralo fa tsy nahazo izy, tsy

fantany ilay izy. Noho izany dia hoy aho hoe, “Tsy dia lavitra loatra amin’ny Tenin’Andriamanitra izany. Sa tsy izany?”

Hitanareo, namela azy fotsiny—namela azy fotsiny hahafantatra fa tsy very isika. Isika dia nahafantatra hoe taiza no nijoroantsika. Isika dia mahafantatra hoe karazana lain-tsambo inona no nakarintsika, sy karazana rivotra inona no mitsoka azy. Isika dia mahafantatra hoe inona ilay fihodinantsika, ary inona ilay bilaontsika. Ary isika dia mahafantatra hoe ahoana no fijoroantsika.

Hoy aho hoe, “Izany dia tsy mifanohitra amin’ny Tenin’Andriamanitra, be loatra. Sa tsy izany?” Hoy aho hoe, “Tsarovy, rehefa naniraka an’i Mosesy tany amin’ireo zanak’Isiraely Andriamanitra, dia nataon’Andriamanitra ho andriamanitra iray i Mosesy, marina izany; ary nanao, ihany koa, an’i Arona rahalahiny, ho mpaminany iray. Marina izany. ‘Ireo mpaminany rehetra,’ hoy Jesosy, ‘dia andriamanitra.’ Izy ireo dia andriamanitra; olona.” Marina izany. Izany no itiavan’Andriamanitra azy.

⁷³ Henoy, ny Teny izay notoriantsika sy ny teny izay nolazaiko aninkeo maraina hoe, “Andriamanitra mifafina ao ambadik’ireo hoditra, ireo hodi-takasy, Andriamanitra mifafina ao ambadiky ny hoditry ny olona iray.” Hitanareo? Izany ho Nataony. Rehefa voaseho teto amin’izao tontolo izao Andriamanitra, dia niafina tao ambadiky ny voaly iray Izy, tao ambadiky ny hoditry ny Lehilahy iray nantsoina hoe Jesosy. Voasarona sy niafina tao ambadiky ny hoditry ny lehilahy iray nantsoina hoe Mosesy Izy, ary andriamanitra izy ireo, tsy hoe Andriamanitra; fa Andriamanitra izy ireo, ilay Andriamanitra tokana, nanova fotsiny ny Saron-tavany, nanao an’ilay zavatra mitovy foana, nitondra an’ity Teny ity. Hitanareo, izany no nanaovan’Andriamanitra azy. Fantany fa ny olona dia mila mahita zavatra anankiray; izany dia ao anatin’ny tsirairay avy amintsika izay teraka teto amin’izao tontolo izao.

⁷⁴ Tahaka ny nolazaiko taminareo aninkeo maraina, tsy nisy olona sahy nanaraka an’i Mosesy tao anatin’izany. Tsy nifanaraka tamin’ny anankiroa mihitsy Andriamanitra. Izy dia mifanaraka amin’ny anankiray, foana. Tsy nisy olona sahy naka tahaka an’i Mosesy. Fahafatesana izany, fahafatesana ara-nofo, ny manandrana maka tahaka azy, mba hiditra ao amin’io Andry Afo miaraka aminy io. Noho izany dia tsy ny olona rehetra no natao... Tsy teraka tao amin’io lâlana io ianareo, hiditra ao anatin’io ivelan’ny voajanahary io.

Fa Andriamanitra dia nametraka ny sasany teto an-tany mba hisolo tena Azy, toy ny ambasadaoro iray avy Aminy. Ary io ambasadaoro io dia voatendry, avy tamin’Andriamanitra, mba hiditra ao anatin’ilay ivelan’ny voajanahary tsy fantatra io, sy hamantatra, ary hitondra an’ireo zavatra ireo ka ilay

fisainana ara-nofo dia tsy afaka mahita an'izany. Izany no mitondra an'ireo zava-miafin'Andriamanitra, milaza mialoha an'ireo zavatra izay misy, sy ireo zavatra izay efa nisy, ary ireo zavatra izay hisy. Inona izany? Andriamanitra, Andriamanitra ao ambadik'ireo hoditra, hoditr'olombelona. Tena marina tokoa.

⁷⁵ Mipetraka any Tucson i Sam Connelly. Tonga teto izy indray mandeha, taona maro lassa izay, niaraka tamin'Atoa. Kidd, ary sitrana; niaraka tamin'ny homamiadana naharitra taona maro. Rehefa nandeha aho tamin'ny fararano lasa, i Sam dia nanana va—vato iray ka ilay manam-pahaizana manokana tany, tany—tany Tucson, dia nandinika an'ilay izy. Lehibe tahaka ny kanety iray ilay izy. Rahalahy Sam Connelly... Maro aminareo eto no mahafantatra azy; avy any Ohio izy. Ary nandeha tany amin'ny dokotera izy, ka hoy izy hoe, "Ry Sam, ataovy vonona ny tenanao amin'ny herinandro manaraka; hanala an'io vato io aho," andro vitsy nanomboka teo.

Hoy izy hoe, "Afaka miala amin'ilay vato ve aho, dokotera?"

Hoy izy, "Tsy azo atao. Lehibe loatra ilay vato."

⁷⁶ Noho izany dia nentiny tao anaty fiara iray izy ary nitondra azy tany an-trano. Ary niantso izy; hoy izy hoe, "Tiako ho tonga ianao ka hivavaka ho ahy, Rahalahy Branham." Nahoana izy no niantso ahy ho an'ny zavatra toy izany? Dia nanomboka nivavaka ho azy aho.

⁷⁷ Hoy aho hoe, "Ry Sam, izao no HOY NY TOMPO HOE, hiala ho azy ilay vato."

⁷⁸ Ary ny ampitso maraina dia nentiny tany amin'ny dokotera ilay vato. Ary nilaza izy, hoy ilay dokotera hoe, "Atoa. Connelly, tsy azoko hoe ahoana no nitrangan'izany."

⁷⁹ Dia hoy izy hoe, "Izaho dia mpino an'Andriamanitra, ary Andriamanitra no nanala an'ilay vato ho ahy, nanaisotra an'izany tamiko." Saiky tsy afaka nino an'izany ilay lehilahy, ilay dokotera. Mihoatra lavitra mihitsy noho ny tsy nahafahany nino an'ilay fivontosana lehibe niala tao amin'ny tehezan'ny vadiko. Fantatrareo ny mikasika an'izany, hitanareo. Noho izany dia nilaza izy...

⁸⁰ Teo amin'ny enim-bolana taty aoriana, izany dia teo amin'ny telo... teo amin'ny roa herinandro lasa, na telo herinandro lasa, dia tratry ny aretim-po mahery iray i Sam Connelly. Ary tsy fantatro ilay anarana, làlan-drà, na karazana fijanonan'ny fo, na inona ilay izy. Tena mampidi-doza ilay izy... Izany dia tsy... Tsy mahay manasitrana an'izany ianareo, hoy izy ireo. Aretim-po, ary nianona ny fony. Ary nivonto ireo rantsam-batany hany ka ireo kitrokely dia lehibe lavitra nohon'ny ranjony, teto ambony teto nanodidina ny valahany. Noho izany dia nentin'izy ireo tany amin'ny dokotera izy. Hoy ilay dokotera hoe, "Ento any an-trano izy, moramora, na any amin'ny hopitaly."

Hoy i Sam hoe, “Tsy te-handeha any amin’ny hopitaly aho!”

Hoy izy, “Ento any an-trano izy ary ataovy eo ambonin’ny fandriana, ary aza ahetsikareo ny loha, ny tånana, na ny tongotra, mandritry ny enim-bolana.” Hoy izy, “Mety ho faty ao anatin’ny minitra rehetra ianao.”

⁸¹ Ary niantso i Rahalahy Norman. Ary nandeha tany izahay tamin’io hariva io, mba hijery an-dRahalahy Sam. Ary rehefa nivavaka ho azy izahay, dia niteny ny Tompo.

Ary ny ampitso maraina, dia nandeha tany amin’ny biraon’ilay dokotera i Sam, niaraka tamin’ny tongotry ny pataloahany niainga, nitsangana teo anoloan’ilay dokotera, ka nanao hoe, “Jereo aho, dokotera!”

Ary nametraka azy teo ambanin’ny fijerena fo elektrika ilay dokotera, ka hoy izy hoe, “Tsy azoko ilay izy.” Hoy izy, “Mandehana miverina miasa.” Hoy izy hoe, “Fiangonana inona no ikambananaao?”

Hoy izy hoe, “Tsy mikambana amin’ny iray amin’izy ireo aho.”

⁸² Hoy izy hoe “Tsy mety ho Kristiana iray ianao raha tsy mikambana amin’ireny anaram-piangonana ireny. Tsy maintsy mikambana ianao.” Hitanareo, izany ihany no fantatr’ilay dokotera. Adaladala iray i Sam, ho azy. Ary adaladala iray izy, ho an’i Sam, tamin’ny fametrahana fanontaniana tahaka an’izany.

Avy eo dia inona no nitranga? Tonga i Sam, dia hoy izy hoe, “Inona no azoko lazaina amin’ny olona izay miteny amiko ny zavatra tahaka an’izany, Rahalahy Branham?”

⁸³ “Lazao azy ireny fa ianao dia ‘mikambana amin’ny Fiangonana tokana ary iray ihany.’ Tsy miray amin’Izany ianao. Tsy anaram-piangonana iray Izany. Teraka tao amin’Izany ianao.”

⁸⁴ Ramatoa kely iray, teo amin’ny enim-bolana lasa izay, niankina teo an-tratran-dRanabavy Norman. Adinoko ny anarany, vehivavy kely tena tsara tarehy teo amin’ny telopolo taona teo. Izy sy ny vadiny dia efa nisaraka, ary tratry ny aretin-drà izy. Ary tao anatin’izany toerana izany izy ka zara izy raha afaka nandeha. Ary farany dia niha-ratsy izy hany ka nametraka azy teo amin’ny fandriana iray ireo dokotera. Ary ireo dokotera dia nitsidika azy mandra-pahatongan’ilay fotoana. Ary nomen’izy ireo hatramin’ny Alarobia nanaraka izy. Ho faty ny Alarobia izy. Ary nanala azy teo am-pandriana i Rtoa. Norman na izany aza, ka nitondra azy, ary tsy maintsy nihazona azy teo amin’ny sezta iray. Ary raha nipetraka teo ilay ramatoa kely, nitongilangilana aloha sy aoriana, ary fotosy arak’izay naha-izy azy; ny hodiny mavo, noho ilay homamiadana, aretin-drà.

Hoy aho hoe, “Eny, afaka hivavaka ho anao aho, ranabavy.”

Ary niezaka hiteny izy, ary ireo ranomaso no teo amin'ny masonry, nilaza izy . . .

Izaho—izaho nanao hoe, “Kristiana ve ianao?”

Hoy izy hoe, “Metodista aho.”

Hoy aho hoe, “Izaho—izaho dia nanontany anao raha efa Kristiana ianao.”

Dia hoy izy hoe, “Ny tianao ho lazaina ve dia hoe mikambana amin'ny fiangonana Kristiana?”

⁸⁵ Hoy aho hoe, “Tsia, madama. Ny tiako ho lazaina, dia nateraky ny Fanahin'Andriamanitra ve ianao, ary tia an'ny Tompo Jesosy?”

Hoy izy hoe, “Eny, nikambana tamin'ny fiangonana foana aho.”

⁸⁶ Hoy aho hoe, “Raha hamela anao ho velona Andriamanitra, hampanantena ahy ve ianao fa hiverina any amiko ka hamela ahy haneho aminao ny làlan'ny Tompo mazava kokoa?”

Hoy izy hoe, “Mampanantena ny zavatra rehetra ho an'Andriamanitra aho, raha hanavotra ny aiko Izy. Hanompo Azy aho.”

⁸⁷ Tamin'izay fotoana izay indrindra no tonga ny fahitana iray, nanao hoe, “HOY NY TOMPO HOE. Aza miomana; endaho ireo zavatra mikasika ny fahafatesanao, afak'ampitso.” Alatsinainy tamin'izay, ary tokony ho faty ny Alarobia izy. “Tsy ho faty ianao.”

Ny Alahady lasa, herinandro talohan'ity Alahady ity, dia nipeetraka niaraka taminy tao amin'ny efitra aho. Nahazo lanja teo amin'ny telopolo livatra teo izy, ilay dokotera dia nilaza fa tsy nisy marika iray an'ilay aretin-drà hita na taiza na taiza. Ary te-hahafantatra izy; ary naniraka azy mba hataeo batisa tamin'ny Anaran'i Jesosy Kristy aho, tao amin'ny fantsona fanondrahana iray, ilay fomban'ny Tompo. Mety ho adaladala iray izany, saingy, “Raha hasandratra Aho, dia hitarika ny olona rehetra ho aty Amiko Aho.”

⁸⁸ Nitsidika aho, an'ilay zazalahy izay mandray an'ireo horonam-peo eto taloha, Leo Mercier. Manana fiara tarihina iray izy. Ary nivavaka ho an'ny olona sasantsasany aho. Ary nivavaka ho an'ny ramatoa kely iray aho nantsoina hoe Lokar, mino aho fa izay ilay izy. Ary efa nahazo fandidiana homamiadana efatra ambin'ny folo izy, ary nandao azy teo am-pahafatesana ireo dokotera. Ary nivavaka ho azy aho, ary niteny taminy fa tsy ho faty izy, fa ho velona izy. Ary tsy nisy marika iray an'izany na taiza na taiza. Ary noho izany, dia nitsangana teo ny valo amby roapolo tamin'ireo fianakaviany, voavonjy ary feno ny Fanahy Masina. Mety ho adaladala iray izany, saingy izany ilay fitarihana ny olona rehetra ho eo Aminy, izay hanatona. Izany no voahodina amin'ny Teny. Hitanareo ve izay tiako ho lazaina?

⁸⁹ Nahazo taratasy aho izay tonga, afak'omaly, mipetraka ao amin'ny antontan-taratasy ao ambadika ao mihitsy. Tamin'ny Fararano lasa, raha teo amin'ny dia fihazana iray...na, tamin'ny Lohataona lasa, herintaona lasa izay. Zazalahy Indiana iray antsoina hoe Oscar, izay niarahanay nihaza tany amin'ny lala-malalaka tany; tany amin'ny nisy an'ilay Anjelin'ny Tompo izany, efa nolazaiko anareo, teto, izay nitondra an'ilay osidia sy—sy ilay bera mivolom-bolafotsy. Ianareo rehetra dia mahatsiaro an'izany. Tamin'izay fotoana izay io zazalahy io, rehefa niditra aho tao amin'ny... Niditra tao amin'ilay tranolay izy, tamin'ny Lohataona lasa. Ary rehefa nangataka ahy i Bud mba hangataka ny tso-drano, (nesoriny ireo fonon-tanany; nitaingin-tsoavalny izy), nanao an'ireo fonon-tanany ireo izy ary vonona ny hivoaka. Katolika iray izy. Tsy nisy nidiранy tamin'Izany.

⁹⁰ Tamin'ny Fararano lasa, rehefa afaka izy, nitsangana teo akaikiko... Rehefa teo aoriana teo ny reniny, teo am-pahafatesana niaraka tamin'ny aretim-po iray, dia hoy izy hoe, "Hiverina ve ianao ka hivavaka ho azy?" Niverina tao amin'io tranoheva kelin'ireo Indiana tany io aho. Ary teo, niangona nanodidina an'io reny io izy rehetra, ary teo am-pahafatesana izy, tsy nahay niteny teny Anglisy iray. Ary nidina ny Fanahy Masina ka niteny tamin'ilay reny, tamin'ny alàlan'ny mpandika teny iray, ny zananivavy, an'izay niseho, izay nisy. Niantso ny anarany mihitsy aza, ka nilaza taminy izay naha-izy azy, sy ny foko izay nihaviany, ary hoe ahoana no nitrangan'io. Ary sitrana teo no ho eo ilay reny.

⁹¹ Ary ny ampitso maraina rehefa niverina aho mba hijery azy ireo, raha nitaingin-tsoavalny aho, nandeha tany amin'ny efapolo maily nitady ondry, dia teo izy rehetra nipetraka teo, izy dia tena... nitaingina teo ambonin'ny soavalny mba hiverina hanamaina henan'osidia. Dia hoy aho hoe, "Omaly hariva raha nivavaka aho, dia hoy aho hoe, 'Rainay Izay any An-danitra.'" Hoy aho hoe, "Louise, izaho—izaho... Vavaka Katolika iray izany. Ianareo rehetra dia nanomboka, ary tamin'izay fotoana izay, mazava ho azy, dia nandao anareo aho." Dia hoy aho hoe, "Ankehitriny dia hisaotra an'Andriamanitra fotsiny aho. Tsy mamerim-bavaka isika; mivavaka isika."

⁹² Hoy izy hoe, "Tsy Katolika intsony izahay." Hoy izy hoe, "Mino tahaka ny inoanao izahay. Tianay ianao hitondra anay rehetra ary hanao batisa anay amin'ny fomba fanaovanao batisa. Mila ny Fanahy Masina izahay."

⁹³ Tamin'ny dia niverina... Very ireo soavalin'ilay zazalahy, volana maro talohan'izany, tsy nety hitany izy ireo. Ary nivazavaza azy ilay mpitari-dàlana, nanao hoe, "Oscar, mahafantatra tsaratsara kokoa noho ny mamela an'ireo soavalny ireo tahaka an'izao ianao. Ireo bera, bera maro, no hihinana an'ireny soavalny ireny amin'izao fotoana izao."

Ary nanohy nitsangana teo akaikiko izy. Ary nilaza izy, indray hariva, hoy izy hoe, “Mahazo manontany zavatra iray aminao ve aho?”

Hoy aho hoe “Eny.”

Hoy izy, “Rahalahy Branham, mivavaha amin’Andriamanitra. Andriamanitra anie hamerina amiko an’ireo soavaliko.”

Hoy aho hoe, “Nilaza i Bud fa nohanin’ny bera izy ireo.”

Hoy izy, “Rahalahy Branham, mangataha amin’Andriamanitra. Andriamanitra anie hamerina amin’i Oscar an’ireo soavaliny.”

Hoy aho hoe, “Mino an’izany ve ianao, ry Oscar?”

Hoy izy hoe, “Mino aho. Andriamanitra no nanao ny reniko ho salama. Andriamanitra no miteny aminao hoe taiza no nisy an’ilay bera, taiza ilay haza. Io Andriamanitra io, dia mahafantatra hoe aiza ilay haza, mahafantatra hoe aiza ireo soavaliko.” Hitanareo?

⁹⁴ Herintaona lasa izay, raha nitsangana tany aho niaraka tamin’i Fred Sothmann, izay eto izao hariva izao, Billy Paul, ny zanako. Nidina ny Fanahy Masina. Hoy aho hoe, “Oscar, ho hitanao ireo soavalinao. Hitsangana ao anatin’ny oram-panala izy ireo.”

Mipetraka ao ilay taratasy, nosoratana ho ahy tamin’ny herinandro lasa, ary voaraiko tamin’ny Zoma izany, rehefa niverina teto. Mipetraka ao amin’ireo antontan-taratasy mihitsy izany ankehitriny. “Rahalahy Branham, hitan’i Oscar tao anatin’ny oram-panala ireo soavaliny.”

⁹⁵ Ahoana no niveloman’izy ireo, tsy misy olona mahafantatra. Teo, ilay zazalahy... Amin’ity fotoana an’ny taona ity, ny Jona, dia misy oram-panala betsaka any izay mbola roapolo na telopolo dian-tongotra ny oram-panala manodidina azy ireo. Ahoana no nijanonan’izy ireo tany nandritry ny ririnina, tao amin’io lohasaha mideza io? Tsy afaka nandeha tany amin’izy ireo i Oscar, tamin’ireo kiraron’ny oram-panala, saingy, mazava ho azy, tsy afaka nametraka an’ireo kiraron’ny oram-panala teo amin’ilay soavaliny izy. Saingy hitany izy ireo, araka ny Tenin’ny Tompo. Mety ho toy ny adaladala iray izany; inoy indray mandeha fotsiny! Izany dia miankina amin’ny hoe ahoana ireo fihodinanareo.

⁹⁶ Ankehitriny, tsy hihodina amin’ny anaram-piangonana iray izany. Hihodina amin’ny Teny fotsiny ihany izany. Fa misy olona sasantsasany eto amin’izao tontolo izao no mino an’ity Teny ity! Mila adaladala iray mba handramby an’io Ampakarina io hiala eto izany, izay voahodina, satria ny Ampakarina sy ny Mpampakatra dia iray. Ary iray Andriamanitra, ary ny Teny dia Andriamanitra! Tsy maintsy ho voahodina amin’ny Teny Izany,

ary Izany no hitarika ny Ampakarina hiala avy ao amin'ireo anaram-piangonana ireo.

⁹⁷ Hia, te-hitsikera ahy izy. Fantatrareo, izany dia mampahatsiahy ahy an'izay noresahako, aninkeo maraina, Andriamanitra miafina ao ambadik'ireo hoditra, hoditr'olona.

⁹⁸ Tantara kely iray, ary avy eo dia hamarana aho; miala tsiny raha nitazona anareo teto teo amin'ny dimy amby efapolo minitra aho ankehitriny. Nisy tokantrano iray, tokantrano Kristiana, ary nisy ny...Nolazaiko tamin'io mpitsikera io izao. Ary tao amin'io tokantrano io dia nisy...Nino an'Andriamanitra izy ireo. Nanana zazalahy kely iray izy ireo tao, saingy natahotra mafy ny oram-baratra izy. Ny tselatra, oh, natahotra mafy mihitsy izy. Nihazakazaka tao ambanin'ireo latabatra izy, nanerana, rehefa nitselatra ny andro.

Noho izany indray hariva dia tonga teo amin'ilay fiompiana ny oram-baratra iray, ary teo amin'izay nipetrahan'izy ireo, ary nisafotofoto ireo hazo, ary nanjelatra ny tselatra, efa tara tamin'ny alina izany. Niteny tamin'i Junior ilay reny, nanao hoe, "Ankehitriny, ry Junior, miakara ianao ary mandehana matory." Hoy izy, "Ankehitriny, aza matahotra. Miakara any."

⁹⁹ Noho izany i Junior kely, niaraka tamin'ny akanjo mandriny, dia niakatra tamin'ny tohatra, njery tany aoriana, saiky nitomany. Nandry izy, niezaka ny handeha hatory, nosaronany ny lohany. Tsy nety nandeha natory izy; nanjelatra nanerana ny varavarankely ilay tselatra. Noho izany dia hoy izy hoe, "Oh, mama," hoy izy, "miakara aty ary matoria miaraka amiko."

Eny, hoy izy hoe, "Junior, tsy hisy na inona na inona hanelingelina anao. Tsy handratra anao io tselatra io."

Hoy izy hoe, "Saingy, mama, miakara aty ary matoria miaraka amiko."

¹⁰⁰ Noho izany dia niakatra ny tohatra ilay reny ary nandry teo amin'ny fandriana, niaraka tamin'ilay lahikeliny. Ary hoy izy hoe, "Junior, ry zanako kely, te-hiteny zavatra aminao i neny." Hoy izy hoe, "Junior, isika dia fianakaviana Kristiana iray. Mino an'Andriamanitra isika, ary mino isika fa Andriamanitra no miaro antsika ao amin'ny oram-baratra. Mino an'izany isika. Ary mino isika fa Andriamanitra dia miahys ny Azy manokana." Dia hoy izy, "Tiako hino an'izany ianao, ry Junior. Ka, aza matahotra. Momba antsika Andriamanitra, ary hiaro antsika Izy."

¹⁰¹ Nangovitra nandrity ny fotoana vitsy i Junior. Hoy izy hoe, "Mama, izaho dia mino an'izany, ihany koa." Hoy izy hoe, "Saingy rehefa tena akaikin'ny varavarankely io tselatra io, dia tiako ny hahatsapa an'ilay Andriamanitra izay manana hoditra eo amin'Izany."

Noho izany dia mihevitra aho fa ny maro amintsika lehibe no mihevitra toy izany. Andriamanitra, miaraka amin'ny hoditra eo amin'Izany! [Elanelana tsy voaraki-peo—Mpand.] Andriamanitra, miaraka amin'ny hoditra eo amin'Izany! Mety ho toy ny adaladala iray izany, ho an'izao tontolo izao, saingy izany no mitarika ny olona rehetra ho eo Aminy.

Ndao isika hivavaka.

¹⁰² Ray An-danitra, arak'ireo tantara kely an'ny—an'ny fahatsapana, ary indraindray dia mitranga izy ireny ho an'ny antony iray. Ary izany ilay izy, na dia sarotra aza ilay izy, kanefa dia azonay izany tao amin'ny fiteny izay nitrangany. Koa misaotra Anao izahay, izao hariva izao, Tompo, fa-fa Andriamanitra dia afaka mampiantrano ny Tenany ao anatinay. Mankasitraka izahay fa nisy famelana iray vita, ny Ràn'ilay Anankiray marina, Jesosy; Izay ny fahafenoan'Andriamanitra, ny fahafenoan'ny maha-Andriamanitra ara-batana, ka nanolotra ny Ainy sarobidy Izy; tsy nesorina Taminy, fa nanolotra an'izany an-tsitrupo, mba hahafahanay mankasitraka Azy ao amin'ny fahafenoan'ny Fanatrehany, ao amin'ilay voninahitr'i Shekinah izay Nitoerany; mba hahafahan'ny fanahinay ho voamasin'izany Rà izany, mba hahafahan'ilay Fanahy Masina lehibe Izy tenany hiaina ao anatinay. Ary lasa mpampianatra izahay, mpaminany, sy ny sisa, ho an'ny olona, ho an'ireo, Tompo, izay mila; fanomezan'Andriamanitra; Andriamanitra Tenany maneho, mampamirapirotra an'ireo fanomezana lehibe an'Andriamanitra, eo anatrehan'ity taona moderina ity.

¹⁰³ Ary ilay fiteny sarotra, Tompo, ny amin'ny maha-adaladala iray. Ary fantatray, fa amin'izao andro izao, dia ilaina izany indraindray rehefa miditra ao anatin'ny fahazarana izao tontolo izao tahaka ny fiangonana amin'izao andro izao, mikambana fotsiny amin'ireo fiangonana vaovao sy anaram-piangonana vaovao. Ny olona iray izay mandroso miaraka amin'ny Teny dia heverina ho adaladala iray, olona marary saina iray. Tahaka an'ilay apostoly Paoly lehibe, izay nofanina mba ho teolojiana iray, mpisorona iray, kanefa izy dia nilaza fa tonga adala iray izy, ho an'ny voninahitr'Andriamanitra. Nohadinoiny ny fianarany, izay mety hahatonga ny olona...hihaino an'ireo teniny tsara lahatra. Ary nilaza izy fa tsy tonga niaraka tamin'ny teny mahataona izy sy ny fahendren'ny olona, ka hahatonga ny finoan'izy ireo ao amin'izany zavatra izany. Toy ny ahoana no nitodian'ilay fiangonana tamin'izany amin'izao andro izao, araka ny naminaniany hoe, "Aorian'ny fialako, dia hiditra ireo amboadia, ka tsy hitsitsy ny ondry." Fa nilaza izy fa tonga teo amin'izy ireo izy, "tamin'ny hery sy ny fanehoan'ny Fanahy Masina," mba hahatonga ny finoan'izy ireo ao amin'Andriamanitra. Ray, tonga adala iray izy, ho an'izao tontolo izao, mba hahafantatra an'i Jesosy.

¹⁰⁴ Ary toy izany koa izahay amin'izao andro izao, Tompo. Misy olona mipetraka eto izay noheverina ho adala, satria vonona ny hatoky an'Andriamanitra izy ireo ho an'ny fahasitranany, ho an'ny fitodiany Mandrakizay. Mametraka ny lazany ho tafiditra amin'izany, ao amin'ny fanompoana Azy. Misaotra Azy, midera Azy, manome fahalalahana ho an'ny fanahiny, mba hanompo an'Andriamanitra; noheverina ho adala izy ireo. Saingy Ianao no nilaza, fa, "Ny—ny fahadalan'Andriamanitra," raha adala izahay, "dia mahery kokoa sy hendry kokoa noho ny fahendren'ny olona; fa ny olona, amin'ny alàlan'ny fahendrena, dia tsy mahafantatra an'Andriamanitra. Fa amin'ny alàlan'ny fahadalan'ny fitorian-teny, dia nahafaly an'Andriamanitra ny hamonjy an'izay azo vonjena." Mivavaka izahay, Andriamanitra, mba ho tonga izao hariva izao ilay Mpanoratra lehibe an'ity Teny ity ka hanasitrana ny marary, hamonjy ny very. Mangataka an'izany amin'ny Anaran'i Jesosy izahay. Amena.

¹⁰⁵ Mampitaha an'Andriamanitra aho, mba tsy hahatonga anareo hikorontana amin'izay nolazaiko androany; Andriamanitra dia Diamondra iray lehibe, ilay Mandrakizay.

Ary rehefa esorina avy ao amin'ny vato manga an'i Afrika ny diamondra iray, efa tany amin'ireo toeram-pitrerahana aho ary nandiniika azy ireny tao amin'ilay lehibe...toy ny ahoana no hanaovan'izy ireo an'izany sy hamoahany an'ireo diamondra, ahoana no ampandalovan'izy ireo an'ilay milina mpanorotoro, sy ireo diamondra lehibe manga afo, dia mivoaka ireo diamondra mainty. Tsy manana endrika betsaka izy ireo, endrika manokana. Vato lehibe iray fotsiny izy ireo. Ary, marina tokoa, fa tsy manana afo izy ireo ao anatin'y amin'io fotoana io. Diamondra iray fotsiny izy ireo, vato; boribory, malama, ny maro amin'izy ireo. Fa tsy maintsy didiana io diamondra io. Ankehitriny, manohitra ny lalàna ny maka anankiray tsy nodidiana. Tsy maintsy voandidy, ary avy eo dia tsy maintsy manana rosia iray tany amin'izay nividiananareo azy ianareo, satria an-tapirisany dolara no ao amin'izy ireny.

Ary mampitaha an'Andriamanitra amin'io diamondra io aho.

¹⁰⁶ Ankehitriny, ny diamondra iray dia voandidy mba hampitrafany an'izay ao anatin'y, ilay afo izay ao anatin'ilay diamondra. Ary tsy maintsy voandidy ny lafiny kely tsirairay, ny vongany kely tsirairay, tendro telo. Asio tendro telo eo amin'ny diamondra iray, ary ny hazavana mamele zavatra iray misy tendro telo dia hanome loko fito, hitanareo, manao loko fito.

¹⁰⁷ Ary mariho ankehitriny, "Andriamanitra dia voalefona noho ny fahadisoantsika, notorotoroina noho ny helotsika." Hitanareo, nodidiana Izzy, notorotoroina, io Diamondra lehibe io,

mba ho avy Aminy no hitarafana an'ireo fanomezana ho an'ilay Fiangonana.

Ary tsy ilay hazavana izany; satria, ilay hazavana dia tsy maintsy mihena, rehefa miala eo aminy ny masoandro, eo amin'izay nandidiana azy.

Fa ny potiny kely tsirairay izay avy amin'io silatsilany io dia tsy potika; natao hampiasaina izany. Maro amin'izy ireny no anamboarana fanjaitra Victrola. Ary ireny fanjaitra ireny no manome, izay nosilahana avy tamin'ilay diamondra, no manome mozika izay natao tao anaty kapila iray.

¹⁰⁸ Ary manantena aho fa hitanareo izay tiako ho lazaina. Ilay silany avy amin'i Kristy, ilay fanomezana avy amin'i Kristy, napetraka eo ambonin'ny Baiboly, no mamoka an'ireo zava-miafin'Andriamanitra ho an'ny mpino. Fantany ny zava-miafin'ny fo. Fantany ny olona tsirairay. Mino an'izany ve ianareo?

Tsy ilay diamondra no hiteny hoe, "Hitanareo ve hoe inona aho?" Ilay izy dia izay nihavany. Ilay diamondra dia diamondra iray satria nalaina avy ao amin'ny diamondra iray izy.

¹⁰⁹ Ary tahaka an'izany ireo fanomezan'ny Fanahy, ny... ho an'ilay olona, dia ampanhan'io Diamondra io izany. Nirahina Izany, ka nesorina, ary lasa fanomezana iray, mba handika teny, history teny, hampianatra. Misy fanomezana ara-panahy dimy; apostoly, mpaminany, mpampianatra, pasitera, evangelista, ary izy rehetra ireo dia ho an'ny fampandrosoana ny Vatan'i Kristy. Ary azo antoka mihitsy tahaka ny hisian'ny mpampianatra, pasitera, dia tsy maintsy misy ny mpaminany. Fantatsika izany.

¹¹⁰ Ary isika dia mino fa Andriamanitra dia tsy maintsy ho voaseho amin'ny andro farany, eo anivon'ny Olony, eo amin'ilay Taranaka voafidy, araka ny Baiboly, amin'ny endrika mpaminany. Tena araka ny Teny tanteraka izany. Tsy hoe ilay lehilahy no Andriamanitra, fa ilay fanomezana no Andriamanitra. Hitanareo? Ary izany ilay fanjaitra.

Ankehitriny, ny paingotra iray dia tsy hampandeha tsara an'ilay kapila. Ny fanjaitra tsotran'ny milina fanjairana dia tsy hampandeha tsara an'izany. Fa diamondra iray, izany no tsara indrindra. Izany no manao azy ho mazava, fanjaitra diamondra maranitra.

¹¹¹ Enga anie Andriamanitra, izao hariva izao... Ny kapilan'ny fiainanareo, na inona na inona tsy mety aminareo, na inona na inona irianareo avy amin'Andriamanitra, dia enga anie ilay Mpampianatra lehibe Izay mihazona an'ilay fanjaitra eny an-Tànany, enga anie Izy hametraka an'izany eo ambonin'ny fiainanareo ka hanambara amintsika hoe inona no mahatonga anareo eto, izay ilainareo; amin'izay fotoana izay dia ho fantatsika fa eto Izy.

¹¹² Ray An-danitra, hanaiky an'izany ve Ianao alohan'ny hanombohako an'ity laharam-bavaka ity, tsy hoe izaho no te-hanao an'izao, fa hanaiky an'izany ve Ianao, mba hahafahan'ny olona hahafantatra. Angamba misy vahiny eto mba hivavahana. Tsy mahafantatra azy ireo aho, fa Ianao no mahafantatra. Ary hoy i Paoly hoe, “Raha miteny amin’ny fiteny tsy fantatra ianareo, ka tsy misy fandikana na tsy manome fampandrosoana, dia hilaza ny olona hoe adala ianareo. Fa raha misy anankiray maminany ka manambara an’izay ao am-po, amin’izay fotoana izay izy ireo dia hanao hoe, ‘Momba anareo marina tokoa Andriamanitra.’” Aoka hisy indray izany, Andriamanitra, ao amin’ity ora efa tara ity. Ianao no nampantanena an’izany, ary ho tanteraka anie izany. Amin’ny Anaran’i Jesosy Kristy. Amená.

¹¹³ Ankehitriny manontany aho hoe olona firy no marary ato izao hariva izao, izay ato? Na efa nizara vavaka ve i Billy...? Nisy karatra fangataham-bavaka nozaraina ve? [Hoy ireo rahalahy hoe, “Eny.”—Mpand.] Misy Eny, ataoko fa ny olona marary tsirairay dia nahazo karatra fangataham-bavaka iray, fa tsy fantatro kosa izay nosoratanareo eo amin’izany. Heveriko fa manome karatra iray fotsiny ho anareo izy; ianareo no manoratra an’izay tianareo eo amin’izany. Izany ve ilay izy? Nahazo karatra fotsiny; dia ianareo no mametraka eo amin’izany na inona na inona tianareo.

¹¹⁴ Tsy mahafantatra anareo aho. Firy ato no mahafantatra fa izaho dia tsy mahafantatra anareo, kanefa ianareo dia marary, ary ianareo hilaza an’izao hoe, “Izay efa reko nolazainao androany, ‘Andriamanitra ao ambadik’ireo hoditra. Andriamanitra ao ambadiky ny hoditr’olombelona, manarona ny Tenany’”? Fa raha manana maso ara-panahy ianareo, dia afaka manokatra ianareo ka mahita Azy, hahita hoe Iza Izy. Ary mino an’izany ianareo. Hoy Jesosy hoe, “Izay mino Ahy ireo asa izay Ataoko no hataony koa; hanao mihoatra noho izany aza izy, satria mankany amin’ny Ray Aho.” Ankehitriny, raha mino amin’ny fonareo rehetra ianareo!

¹¹⁵ Firy ato no marary, ka mahafantatra fa izaho dia tsy mahafantatra anareo, tsy mahafantatra an’izay tsy mety aminareo? Atsangano fotsiny ny tanganareo, manova hoe, “Marary aho. Mila zavatra aho.” Firy no manana faniriana ao am-pony, tsy marary, fa manana faniriana? Mba fantatrareo moa...?...Eny àry. Tsy misy olona eo, izay hitako, ka tsy nanangana ny tanganany. Ankehitriny, izaho tsy mahafantatra... .

¹¹⁶ Fantattro io lehilahy mipetraka eto io. Azoko antoka fa Rahalahy James io, ary heveriko fa Ranabavy James io. Rahalahy Ben, fantattro. Ireo endrikareo fotsiny, indraindray; ilay rahalahy izay maka sary. Fa ny... .

Aoka ny olona eto aoriana eto, na aiza na aiza, izao fotsiny... Izaho—izaho—izaho dia mihika an'izany, eo amin'ilay fototra, sy ny famaranana an'ity Hafatra ity.

¹¹⁷ Fantatrareo ve fa Andriamanitra no nampanantena an'izao fa hitranga amin'ny andro farany? Izy no nanao an'ilay teny fikasana. Hitanareo? Ankehitriny tsy afaka manao an'ilay izy hitranga aho. Hitanareo, izaho—izaho tsy afaka manao an'izany. Izy no tsy maintsy manao an'izany. Izy no Tokana Izay manao an'izany; fa tsy izaho. Fa izaho dia mino Azy, raha tsy izany dia tsy hitsangana eto aho hiteny aminareo zavatra anankiray izay tsy ninoako. Ankehitriny, mivavaha ianareo, ary manaova hoe, "Tompo Jesosy, nampianarina ahy ao amin'ny Baiboly fa Ianao no Mpisoronabe izao ankehitriny izao, izay azo kasihan'ny fahalemenay." Tsy ahoako izay misy anareo. Ary manaova fotsiny hoe, "Mino Anao aho. Ary, amin'ny finoana, dia mino an'izay nolazain'io lehilahy io aho androany."

¹¹⁸ Izany no nolazain'ilay Anjely tamiko hoe, "Ento hino anao ny olona." Ary raha ny Tenin'Andriamanitra no nolazaiko, izany dia tsy hoe "mino ahy," izany dia "mino ny Teny."

Raha tsy araka ny Teny ilay izy, amin'izay fotoana izay dia aza mino an'izany. Fa raha mino ianareo fa izany no Teny, amin'izay fotoana izay, na inona na inona ilay izy, mivavaha ianareo ary minoa, dia jereo raha mbola afaka manambara foana an'izay ao am-ponareo Izy.

¹¹⁹ Ary ny olona rehetra dia mahafantatra fa ny Baiboly no nilaza, fa, "Ny Tenin'Andriamanitra dia maranitra noho ny sabatra roa lela, ka mamantatra ny eritreritra sy ny fisainan'ny fo."

Toy izany no nahafantarani'i Abrahama fa Andriamanitra izany, rehefa afaka niteny an'izay nolazain'i Saraha tao anatin'ny tranolay Izy, izay noeritreretiny; rehefa hoy Izy hoe, "Hamangy anao Aho," ary nieritreritra tao am-pony i Saraha hoe, "Tsy hety izany."

¹²⁰ Ankehitriny, nilaza aho fa eto Izy mba hanasitrana anareo. Inona no neverinareo mikasika an'izany? Raha hino fotsiny ianareo! Ankehitriny, izaho tsy mahay, tsy manana fomba anankiray aho; ny Ray An-danitra no mahafantatra an'izany. Hitanareo? Mila mahita an'ilay izy fotsiny aho. Ary izay hitako, no lazaiko; ary raha izaho—izaho no tsy mahita, mazava ho azy, fa tsy afaka milaza aho. Fa mbola Andriamanitra foana ihany Izy! Hampitombo ny finoanareo ve izany, raha hanao an'izany Izy?

Mitory teny tahaka an'izao, dia toy ny mamoaka kely ahy fotsiny izany. Fa eto Izy. Tsapako mihitsy izany.

¹²¹ Mandinika lehilahy iray aho raha manondrika ny lohany izy, eto aoriana eto mihitsy. Mipetraka eo akaikiny ny vadiny, mivavaka, ihany koa. Eto mihitsy. Misy zavatra ao am-ponao.

Ny vadinao, mivavaka. Misy enta-mavesatra iray ao am-ponao. Izany dia ho an'ny rafozam-bavinao. Marina izany. Mino ve ianao fa Andriamanitra dia afaka miteny amiko an'izay tsy mety amin'ny rafozam-bavinao? Tsy mahafantatra anao aho. Samy vahiny isika. Koa marina ve izany? Mino ve ianao fa Andriamanitra dia afaka miteny amiko an'izay tsy mety aminy? Tsy eto izy. Mahita halavirana lehibe aho; any atsinanana miala eto izy. Any Ohio izy. Marina izany. Mijaly amin'ny aretin-drà izy. Asaivo alain'ny vadinao io mosara eo io, mitomany eo amin'izany izy, apetraho eo aminy. Aza misalasala; ho salama izy. Inoanao izany?

¹²² Indro ny ramatoa kely iray mipetraka eto anoloako eto. Mitomany izy. Misy zavatra tsy mety amin'ilay zaza, tsy fantattro... Tsia, tsy misy zavatra tsy mety. Manana faniriana iray fotsiny izy. Maniry ny hahazo ny batisan'ny Fanahy Masina izy. Izao no HOY NY TOMPO HOE. Minoa, anaka, ho azonao Izany. Marina izany. Aza manahy ianao.

¹²³ Indro misy ramatoa iray mipetraka eo amin'ny faran'ny laharana. Mivavaka izy. Vahiny aminy aho, saingy voaaloka izy. Nahazo fandidiana ianao. Raha samy vahiny isika, heveriko. Tsy mahafantatra anao aho. Ianao tsy mahafantatra ahy, angamba tamin'ny alàlan'ny fandrenesana ahy fotsiny ihany. Tsy avy eto ianao. Vahiny eto anivonay ianao. Avy any Wisconsin ianao. Ilay tanàna dia Milwaukee. Ary ny aretinao dia homamiadana; ao amin'ny nono izany. Fandidiana niampy fandidiana, nefy tsy nisy fahombiazana. Avelao ilay finoana, izay nikasika ny sisin'ny Akanjony, minoa an'izany izao ankehitriny izao. Alenteho ao amin'ny fonao izany; hiseho izany. Manàna finoana!

¹²⁴ Lehilahy iray mipetraka eto amin'ny zorony eto. Mivavaka ho an'ny reniny izy. Vahiny amiko izy. Tsy mahafantatra azy aho. Fa mivavaka ho an'ny reniny izy. Ary ny reniny dia manana zavatra mitovy amin'izay ananan'io vehivavy io, homamiadana. Na, matahotra an'izany izy, izay ilay izy. Misy lehilahy iray izay ivavahanao, ary io lehilahy io dia manana aretina ao amin'ny lamosiny. Izy dia, ihany koa, mahita azy mararin'ny toaka aho. Mpisotro alikaola izy. Rahalahinao. Tsy avy eto ianao. Avy any Illinois ianao. Mino ve ianao fa Andriamanitra dia afaka miteny amiko hoe iza no anaranao? Farmer. Marina ve izany? Atsangano ny tànanao. Minoa!

¹²⁵ Misy olona iray mandohalika eo akaikin'ny olona iray, mivavaka, olona iray izay mandry eo amin'ny fandrianan'ny marary. Eny àry. Mino an'izay efa renao ve ianao, ho ny Fahamarinana, ramatoa? Mino ianao. Raha afaka nanasitrana anao aho, dia ho nataoko izany. Saingy efa nositranin'i Kristy ianao, hitanao. Tokony hino an'izany fotsiny ianao. Ilay ramatoa mitsangana eo io, mivavaka, dia nivavaka ho anao mba ho voakasika. Tsy mahafantatra anao aho, fa Andriamanitra no mahafantatra anao. Ianao dia avy any ivelan'ny tanàna, ihany

koa. Marina izany. Avy any Illinois ianao. Tena marina izany. Ilay tanàna dia antsoina hoe East Moline, Illinois. [Hoy ilay anabavy hoe, "Izany no tanàna izay nahaterahako."—Mpand.] Mijaly amin'ny homamiadana ianao. Vadin'ny mpitoriteny iray ianao. Mino ve ianao? ["Eny."] Ho faty ianao, raha mandry eo. Nahoana ianao no tsy hanaiky Azy izao hariva izao, ka hanao hoe, "Mety aho, ao am-poko, miaraka amin'ny finoana eo ambonin'izay rehetra misy eto, mino aho fa sitrana aho. Eo amin'ny Fanatrehan'Andriamanitra aho." Mitsangàna, minoa, ary mandehana mody dia aoka ho sitrana. Io izy.

Mino amin'ny fonareo rehetra ve ianareo? [Mifaly ny fiangonana—Mpand.] Ndao isika hidera an'Andriamanitra.

¹²⁶ Ray An-danitra, misaotra Anao izahay ny amin'ny Fahatsaranao rehetra sy ny famindrampo. Misaotra Anao izahay, fa, mbola eto foana Ianao, eto afovoan'izao aretina rehetra izao. Eto amin'ity izao tontolo izao izay simba ity, dia mbola eto Ianao. Aoka ny Fanahinao, Tompo, hijanona miaraka aminay mandrakariva. Hitanay fa eto Ianao, Andriamanitra miaraka amin'ny hoditra eo amin'izany, ao anatin'ireo fon'olombelona; manome finoana, sy fanambarana, ary fahitana. Ianao no Andriamanitra ao amin'ny Fiangananao, Andriamanitra ao amin'ny Olonao. Misaotra Anao izahay ny amin'izany, Tompo. Ary enga anie ny tsirairay hino, izao hariva izao, miaraka amin'ny saina iray, ary enga anie izy ireo ho sitrana. Amin'ny alàlan'ny Anaran'i Jesosy Kristy, no ivavahako. Amena.

¹²⁷ Firy ato no manana karatra fangataham-bavaka, eo amin'itsy ilany itsy? Aoka ireo izay eo amin'itsy ilany itsy, hihemotra, midira avy hatrany ao afovoan'ity lalantsara ity. Ireo izay eo amin'itsy lalantsara itsy, hivoaka avy hatrany amin'ity lalana ity, raiso fotsiny ny toeranareo, mivoaha avy hatrany amin'ity lalana ity. Aoka ireo, vantany vao tapitra ny azy ireo, dia ity laharana ity handray an'ilay ilany manaraka.

¹²⁸ Avia eto ry loholona. Rahalahy Roy, hitahy anao anie ny Tompo; tsy fantatro hoe nipetraka teo ianao. Tiako ireo diakon'ny fiangonana ho eto izao ankehitriny izao, raha afaka izy ireo ny ho tonga avy any amin'izay misy azy ireo. Avia eto ho an'ny fanampiana kely iray.

Tiako ny tsirairay avy izay hivavahana, hanangana ny tànanareo, hilaza an'izao aoriako.

Tompo, [Hoy ny fiangonana hoe, "Tompo,"—Mpand.] Mino aho. ["Mino aho."] Ianao hamonjy ahy amin'ny tsi-finoako. ["Ianao hamonjy ahy amin'ny tsi-finoako."] Mino aho ["Mino aho"] fa eo amin'ny Fanatrehanao, ["fa eo amin'ny Fanatrehanao,"] satria aho manaraka ny Teninao, ["satria aho manaraka ny Teninao,"] ary ny...ireo tànana dia mipetraka eo amiko izao hariva izao, ["ary ireo tànana dia mipetraka eo amiko

izao hariva izao,”] hanaiky ny fahasitranako aho, [“hanaiky ny fahasitranako aho,”] amin’ny Anaran’i Jesosy. [“amin’ny Anaran’i Jesosy.”] Amena. [“Amena.”] Andriamanitra hitahy anareo.

¹²⁹ Ankehitriny diniho. “Ny vavaky ny finoana no hamonjy an’ilay marary. Raha mametraka ny tànany eo amin’ny marary izy ireo, dia ho sitrana izy ireo.” Niteny tamin’i Noa Izy fa ho avy ny orana. Izany mihitsy—Izy mihitsy... Tsy nilaza mihitsy aho hoe, “Vantany vao—vao nivavahana ianareo, dia ho salama ianareo.” Hoy Izy hoe, “Ho sitrana izy ireo.”

¹³⁰ Nilaza tamin’i Noa Izy fa ho avy ny orana. Tsy nisy orana mihitsy nandritry ny roapolو amby zato taona, fa avy ihany ny orana.

Nilaza tamin’i Abrahama Izy fa hahazo zazakely avy amin’i Saraha izy. Tsy nitranga mihitsy izany nandritry ny dimy amby roapolو taona, fa azony ihany izany.

Nolazainy tamin’i Isaia fa hitoe-jaza ny virijiny iray. Tsy nitranga mihitsy izany nandritry ny valonjato taona, nefo nitoe-jaza ihany izy.

Marina ve izany? Izy no nampanantena an’izany! Tsy mampaninona na hafiriana no naharetan’izany, Izy no manao an’izany, na ahoana na ahoana. Minoa an’izany ianareo.

¹³¹ Mandrosoa ankehitriny. Aoka i Rahalahy Capps no hitarika ny fihirana. Hampandroso an’ireo karatra ve ianareo? Ankehitriny aoka ny olona rehetra ho ao amin’ny vavaka ankehitriny.

¹³² Rainay An-danitra, hankatò ny Didinao izahay amin’ny alàlan’ny fametrahan-tànana eo amin’ireto olona marary ireto. Tsy mahafantatra zavatra hafa izay Azonao atao aho, Tompo, satria Ianao no nilaza, ao amin’ny Teninao, fa Ianao no nividy ny fahasitranan’izy ireo. Efa Noporofoinao fa eto Ianao miaraka aminay izao hariva izao, ilay Teny izay afaka mamantatra an’ireo fisainana izay ao anatin’ny fo. Efa Noporofoinao izany, fa eto anivonay Ianao. Ary mivavaka aho, Aminao, Ray, mba ny Teninao, izay tsy mety diso, no ho tonga tena misy amin’ny fo tsirairay! Fa Ianao no nanao hoe, “Raha mety mino an’izany ianareo; tsy misalasala, fa mino an’izany; mitenena amin’io tendrombohitra io hoe, ‘Mifindrà,’ ary tsy misalasala, ka mino fa hiseho izany!” Tsy nilaza tamin’izy ireo Izy hoe rahoviana.

¹³³ Ianao no nilaza tamin’ny olona, tamin’ny Pentekosta, mba hiakatra tany ka hiandry. Tsy nilaza ny ora mihitsy Ianao, ny andro; hoy Ianao hoe, “mandra-paha.” Ankehitriny tonga izy ireo mba hanaiky ny fahasitranany. Enga anie izy ireo tsy hieritreritra zavatra hafa mihitsy afa-tsy ny fahasitranany eto, mandra-pahatongan’ny fanafahana. Mankatò Anao izahay amin’ny alàlan’ny fametrahan-tànana, eo amin’izy ireo, amin’ny maha-mpino. Amin’ny Anaran’i Jesosy Kristy. Amena.

¹³⁴ Eny àry, mandalova avy hatrany ankehitriny. [Mametra-tànana eo amin'ny olona Rahalahy Branham sy ireo rahalahy, ary mivavaka ho an'ny tsirairay avy izay ao anatin'ny laharam-bavaka. Elanelana tsy voaraki-peo—Mpand.] Sitrana ianao. Andriamanitra hitahy anao. Tsara izany. [Elanelana tsy voaraki—peo.]

Ny zava-drehetra azo atao, minoa fotsiny;
Minoa fotsiny, minoa fotsiny,
Ny rehetra . . .

Tompo Jesosy, mivavaka ho an'ireto mosara ireto aho ankehitriny, amin'ny Anaran'i Jesosy Kristy. Amena.

Manontany aho raha afaka manova an'ireo tononkira isika:

Ankehitriny mino aho, ankehitriny aho no mino,
Ny zava-drehetra azo atao, ankehitriny mino aho;
Ankehitriny mino aho, ankehitriny mino aho,
Ny zava-drehetra azo atao, ankehitriny mino aho.

¹³⁵ Mino ve ianareo fa izay nangatahana sy niriana dia ho ekena? [Hoy ny fiangonana hoe, “Amena.”—Mpand.] Hitranga izany.

¹³⁶ Hitako, nandalo teo amin'ilay laharana fotoana vitsy lasa izay, ny sasany tamin'ireo sakazako Italiana avy any Chicago. Firy no mahafantatra an-dRanabavy Bottazzi avy any Chicago? Eny, fantatrareo, izy dia nanana a—aretin-tsaina, fikorontanantsaina vao tsy ela mihitsy, tena, tena ratsy. Fa ny maraina tany Chicago tao amin'ny sakafotra marainan'ny Christian Business Men, dia niteny tamin'ilay anabavy aho, teo ambanin'ny tsindrimandrin'ny Fanahy Masina. Niverina avy tany amin'ny ilany anankiray izy, ary tsy nahavita nahatazona ny tenany manontolo izy. Dia hoy aho hoe, “Ranabavy, tsy ho afakao izao ankehitriny izao io, fa ho salama ianao.” Hoy aho hoe, “Mety ho eo amin'ny valo ambin'ny folo volana eo izany, na roa taona, eo anelanelan'izany mihitsy ianao no ho salama.”

¹³⁷ Indray andro raha niresaka taminy aho . . . Nandre azy nijoro vavolombelona aho, tena faly, ilay faly indrindra noho izay nahe-izy azy teo amin'ny fiainany rehetra. Nitaingina fiara iray izy. Tsy nanana fiadanana izy, toy ny hoe niala taminy ny Fanatrehan'Andriamanitra; mazava ho azy, fikorontanantsaina iray ilay izy, fantatrareo; ary tampoka teo dia nivadika ho fikorinam-pifaliana lehibe izany, ary ny herin'ny Fanahy Masina no teo amboniny. Nitomany izy, niantsoantso izy, izy—izy dia nanana. . . Nanana fotoana lehibe iray fotsiny izy ireo, teo amin'ny telo na efatra herinandro lasa izay, na iray volana. Ary nandre azy nijoro vavolombelona aho, Alahady talohan'ny farany, ary hoy izy hoe, “Ranadahy Branham, rehefa niverina aho, dia nandray naoty ary naka an'ilay horonam-peo. Ary tena valo ambin'ny folo volana marina tokoa ilay izy, tamin'ilay andro.” Amena.

Tianareo ve Izy? [Hoy ny fiangonana hoe, “Amena.”—Mpand.]
 Tsy mahafinaritra ve Izy? [“Amena.”]

¹³⁸ Ankehitriny, ilay Fanahy Masina iray ihany izay afaka milaza mialoha tanteraka, tsy diso na indray mandeha aza, nandritr’ireo taona rehetra ireo; ary, tamin’ny alàlan’ny Teniny, dia niezaka ny nampiseho taminareo androany fa Andriamanitra dia tsy zavatra iray lavitra be na zavatra iray ara-tantara. Velona Izy, fotoana ankehitriny, tonga voaseho ny Teniny. Nanafina ny Tenany ao amin’ny voalin’olombelona, ao amin’ny Fianganany, manambara ny Tenany amin’ny alàlan’ny finoanareo sy ny finoako, miaraka, tonga miaraka, manao ny firaisan’Andriamanitra. Tsy mahavita na inona na inona aho raha tsy misy anareo; tsy mahavita na inona na inona ianareo raha tsy misy ahy; tsy afaka manao na inona na inona akory aza raha tsy misy an’Andriamanitra. Noho izany, ny miaraka no mahavita an’ilay firaisana, ilay fifandraisana. Andriamanitra dia naniraka ahy ho an’ny tanjona; minoa an’izany ianareo; dia mitranga izany. Izay ihany ilay izy, hitanareo, voamarina tanteraka.

Tsy ahoako izay tsy mety aminareo, izay lazain’ny olona anankiray; raha, avy ao amin’ny fonareo, no mino ianareo fa ho salama, dia tsy misy na inona na inona afaka hanakana an’izany. Izy no niteny an’izany. Ary hoy Izy hoe, “Ny lanitra sy ny tany ho levona, fa ny Teniko tsy ho diso.” Mino an’izany ve ianareo? [Hoy ny fiangonana hoe, “Amena.”—Mpand.]

¹³⁹ Firy no hivavaka ho ahy amin’ireo fivoriana hafa raha handeha aho? [Hoy ny fiangonana hoe, “Amena.”—Mpand.] Izaho no anankiray izay mila vavaka. Hitanareo? Ny olona rehetra dia nandà ahy, hitanareo, afa-tsy ianareo, kanefa dia mbola misy Voa any ivelany any.

¹⁴⁰ Nandefataratasy iray tany Afrika Atsimo aho. Tsy hamela ahy ho avy izy ireo raha tsy manao sonia taratasy iray aho hoe izaho “dia hanao batisa, amin’itsy ilany itsy, ny olona rehetra intelo; indray mandeha ho an’ny Ray, sy indray mandeha ho an’ny Zanaka, ary ho an’ny Fanahy Masina, mankany aloha. Eo amin’ilay ilany hafa, dia hanao batisa aho mankany aoriana, iray ho an’ny Ray . . . Ary hampianatra fa izany no Foto-pampianarana.”

Nanoratra taratasy iray ho azy ireo aho. Hoy aho hoe, “Ny Fanahy Masina dia efa nanandrana, nandritr’ireo taona vitsy farany, nitondra ahy tany Afrika indray. Maniry ny hampiasa ny asam-panompoako any Izy izay misy telo alina no nanaiky an’i Kristy tamin’ny tolak’andro anankiray.” Hoy aho hoe, “Tsarovy, fa eo amboninareo ny ràn’ireo fanahy ireo, fa tsy eo amboniko. Efa nanolo-tena aho ho avy, fa ianareo no tsy nanao an’izany.”

Manontany aho hoe inona no hisy amin’io andro io rehefa Jesosy, ilay Zanak’Andriamanitra no nolavin’ilay fiangonana,

ilay Teny nolavina? Fa ao—ao amin’izany rehetra izany, dia mbola mampahafantatra ny Tenany amin’ny Olony foana Izy. Tsy feno fankasitrahana ve ianareo ny amin’izany? [Hoy ny fiangonana hoe, “Amena.”—Mpand.]

¹⁴¹ Ary nandalo aho, izao hariva izao, nametraka ny tànako teo amin’izy ireo, ireo vehivavy sasany azon-taona, ny sasany tanora, ny sasany antitra, ny sasany tovolahy, lehilahy antitra, tena tsemboka tahaka ahy mihitsy. Nieritreritra aho hoe, “Mipetraka eo, mipetraka eo mihaino ny Teny izay heverin’ny sisa amin’izao tontolo izao fa adala.” Hitanareo? Izy ireo no—izy ireo no visy. Hitanareo, eto Andriamanitra mba hanodina an’izany, mitarika anareo hivoaka mihitsy avy ao amin’ny aretinareo. Teny fikasana iray an’ny Teny izany. Tsarovy fotsiny, hanomboka hanery izany, “Hitarika azy ireo Aho; raha asandratra Aho, dia hitarika azy ireo Aho.” Hitarika an’izany hiala ao aminareo Izy. Azo antoka fa hitarika Izy. Minoa Azy fotsiny ianareo, manana finoana Azy. Aza misalasala Aminy. Minoa Azy.

¹⁴² Mivavaha ho ahy. Rehefa tsy manana anankiray hafa hivavahana ianareo, dia tsarovy fotsiny aho.

Ary noho izany mandra-pihaonantsika! mandra-pihaonantsika!

Mandra-pihaonantsika . . .

Misaotra ny amin’ny fahatongavana avy tamin’ireo làlan-davitra ireo. Andriamanitra anie hiaro anareo raha handeha hody ianareo!

Mandra-pihaona . . .

Arahabao ireo Kristiana rehetra, arahabao izy ireo, avy amin’ity vondrona eto ity. Ny fiadanana’Andriamanitra anie ho eo aminareo! Shalom!

Homba anao anie Andriamanitra mandra-pihaonantsika indray!

[Manomboka misamonomonona ny *Homba Anao Anie Andriamanitra Rahalahy Branham*—Mpand.]

. . . mandra-pihaonantsika!

Mandra-pihaonantsika eo an-tongotr’i Jesosy;

Mandra-pihaonantsika! mandra-pihaonantsika!

Homba anao anie Andriamanitra mandra-pihaonantsika indray!

¹⁴³ Tena faly aho. Hitanareo, misy sasany, zavatra maro izay tsy fantattro, saingy misy zavatra sasany izay tena fantattro. Tena mankasitraka anareo aho. Tena faly aho fa nikambana taminareo. Tena faly aho fa isanareo. Homba anareo anie Andriamanitra. Homba Izy. Tsy hamela anareo mihitsy Izy. Tsy handao anareo mihitsy Izy. Tsy hamela anareo Izy. Efa namaky teo amin’ilay voaly ianareo ankehitriny. Hitanareo?

¹⁴⁴ Tena faly aho izao hariva izao mahita an-dRahalahy Palmer, iray amin'ireo pasiteranay mpiara-miasa eto, avy any Georgia. Rahalahy Junior Jackson dia ato amin'ny tranobe any ho any, ery amin'ny zorony aoriana, faly isika manana azy. Rahalahy Don Ruddell mipetraka eto. Oh, tena marobe! Tsy fantatro, raha manadino olona iray aho . . . Rahalahy Ben Bryant eto, ary maro amin'ireo hafa eto, rahalahy mahafinaritra, Wilbur Collins. Tena faly izahay manana anareo rehetra eto.

Manontany aho raha hitsangana fotsiny isika, fotoana fohy monja ankehitriny. Ndao isika hanondrika ny lohantsika ankehitriny.

Mandra-pihaonantsika!
 Mandra-pihaonantsika eo an-tongotri' Jesosy;
 mandra-pihaonantsika!
 ... mandra-pihaonantsika!
 Homba anao anie Andriamanitra mandra-
 pihaonantsika indray.

¹⁴⁵ Tsapanareo ve ilay fanakaikezan'ny fiombonana miaraka amin'ny Fanahy?

Ndao isika hisamonomonona an'izany. [Manomboka misamonomonona ny *Homba Anao Anie Andriamanitra* Rahalahy Branham sy ny fiangonana—Mpand.]

Nahamarika an-dRahalahy McKinney aho, avy any Ohio, miaraka amintsika. Rahalahy John Martin sy ny rahalahiny. Tena faly manana anareo rehetra. Mety tsy mahita anareo akory aza aho, rahalahy Izy no mahafantatra anareo.

Mandra-pihaonantsika! Enga anie ny foko sy ny anareo, miaraka amin'ny fon'Andriamanitra, ho iray mandra-pihaonantsika! [Manohy misamonomonona ny *Homba Anao Anie Andriamanitra* Rahalahy Branham sy ny fiangonana—Mpand.]

Tiako ny hangataka olona iray hampirava. [Miresaka amin'ireo rahalahy Rahalahy Branham—Mpand.]

Raha manondrika ny lohantsika isika ankehitriny ao amin'ny vavaka.

¹⁴⁶ Ezaho mba ho fanttry ny mpitoriteny rehetra fa faly isika ny amin'ny maha-eto azy ireo, ireo mpivavaka rehetra, ianareo olona avy any Tennessee, Ohio, ary manerana ny firenena. Ireo vehivavy sasany izay nihaonako teto androany, avy lavitra any Boston. Ireo rahalahintsika maity hoditra dia teto, aninkeo maraina, avy any koa. Maro be ireo avy any amin'ny ampahany samihafa amin'ny firenena; misaotra anareo aho, ry sakaiza mahatoky malalako. Homba anareo anie Andriamanitra. Hiantso anareo hoe sakaizako aho. Tsaroanareeo ve izay nolazain'i Jesosy mikasika an'izany? "Akaky kokoa noho ny rahalahy iray aza," hia, sakaiza iray. Raha manondrika

ny lohantsika isika ankehitriny... Mandra-pahatonga antsika hihaona indray ao anatin'ny andro vitsy manaraka, dia homba anareo anie Andriamanitra.

¹⁴⁷ Hangataka ny rahalahintsika tsara, mahatoky, Rahalahy Richard Blair aho, raha hampirava antsika amin'ny tonombavaka iray izy. Rahalahy Blair. 

ILAY MAHATSIAIKY MAG64-0614E
(The Oddball)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 14 Jona, 1964, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozaraïn'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org